



叢碧山房詩

三集卷六

工部稿

卷六

叢碧山房詩

任丘龐

瑛雪峴著

四月一日見園桃猶花賦之

首夏驚桃萼繁紅映水隈誰云芳草歇猶有好化
開結子甘從晚東風肯受催相憐感時節樹底重
徘徊

谷上人招庵中看花

雨後金沙軟披尋喜晝長雜花通曲徑亂石起高
牆泉美汲靈井吳天寺井泉
爲京城第一林幽發妙香何常有
招約良友快相將

又

工部稿卷六

谷公說法地瀟灑倚層城掃逕雙林靜焚香盡空
清雲啣孤塔動日帶遠山明野性耽幽賞狂吟坐
石坪

又

不信春歸去餘光寄梵宮烏啼溪樹裏人坐百花
中露茗供狂客香齋飫小童題詩擬相贈麗藻愧
休公

陳星占再過

眼底風光又過春重來握手覺情親廚中隨意供

蔬飯座上忘形到主賓言笑尙思當日會鬢眉真
收故時人喜君有志終能就苦用文章致此身

陳子三過

又從門外駐高軒相對一盃日欲昏官序卽今羞
拙宦故人偏喜聽狂言十年懷抱朝全放四月鶯
花晚更繁恰值省中公務少奇文不惜共君論

和程禹三長安春暮

東風九十又將闌節候偏憐北地寒杏蕊飄香桃
萼放煙光不信是春殘

花隱亭上餞別李渭清

二部稿卷六

風雨追陪地幽偏愛此亭鄉山成獨往樹色爲誰
青情迫言難盡煙深晝易冥欲忘分別苦只有醉
無醒

又

有會仍亭畔空階轉綠陰相思他日淚惜別十年
心地隔山川遠人兼老病侵中林失羣鳥向晚亦
哀吟

招陸義山徐勝力李公凱袁杜少圃俱卽嘗

葛仙米

米出勾漏
山洞中

炎天何事消長晝只有圍棋山閣中仙米遙從勾

漏得午餐堪與故人同開懷那可無尊酒解帶偏
宜對晚風未息工徒休擬去市塵如雨正濛濛

爲葉存衷工部賦

畫省郎官髩已絲獨將慷慨樹風期累貽一已方
知誤善在於今那可爲脫臂蒼鷹終自遠伏轅老
驥苦相羈念存市道非吾黨輕薄何心轉見嗤

送陳宿峰太守赴任

三年聚首冬官署忽把一麾出帝圻作郡自憐
東海近臨岐重惜故人違黃梅過雨看將熟乳鵲
穿林乍學飛遙憶擘湖行郡日綠荷香沁使君衣

工部稿卷六

三

張樸園過寓小飲

思君君忽至真足感同心移席當幽徑御盃下夕
陰世情朝益變吾道慨方淡顧彼滔滔者惟應記
醉吟

贈大司空李醒齋先生

嘉節蘭湯會恢台氣象分家聲原北海生日並田
文正色倡僚屬傾心奉聖君雕蟲慚末技獎藉
每慙慙

又

盛代多賢佐如公得未曾氣充渾敢任功大夏無

矜放誕容司馬清操念許丞迂疎何以報只有誦
岡陵

午日城南書懷

仲夏時物盛滔滔暢生理綠樹結重陰鳴蜩從此
始端陽風日佳言涉長川汎羣情向蒲艾誰爲顧
蘭芷狂歌激長風悲心邈千里懷情苟信芳不知
良亦已努力保幽貞持茲謝之子

又

有出非前期遵彼河之濱梅子亞枝黃蘆芽映水
新艾臭非香艸時來見采紉獨立感物變含意莫
由申行歌答四野來往多遊人遊人良復多要非

工部稿卷六

四

心所親

又

中澤何所有芳草正敷愉采之欲遺誰所思天一
隅我無奮飛翼何由致長途馨香情所止日暮增
踟躕傷人未知心顧謂士也愚

午日合藥

南正會天中靈景叶元吉古來養生家蓄藥用此
日穀食情所畏黽勉學餌朮挹彼溪澗泉浸此幽
谷質糗比青楓同色共雲母匹一七開玄關神明

守中至暢然百骸間夙疾灑然失大矣神聖功其
多難殫述

贈質青南同官

好立忘年憐賈至遷除 命下喜相將鄉田共屬
河間國官署同叅水部郎直日臨窗看奏草有時
聯步上明光省中吏靜松陰轉退食優游喜晝長
未與豐臺之行沈方舟醉歸見訪且誦新詩

爲和原韻

豐臺芍藥甲京師千畝天韶競此時載酒忽逢連
日病看花空負一年期斜陽隱几憐高臥殘醉迺
門感故知見說良遊能盡興風流姤煞沈郎詩

久不悟勞通政

大雅今誰作相思頗餘絕知居處近翻得往來
疎束帶疲趨走分曹困簿書無由接高論惆悵欲
焉如

蘇舍人一庵司吏部鼎臣同日分招戲占

往往思相聚開筵幸有期不謀憐故友相約恰同
時未煖東隣席旋傾北舍卮書生傳嘒語命在直
堪嗤

聞徐勝力同諸公直日承 恩喜賦

曉日明 金殿薰風滿 禦欄詞臣分直入 聖主

霽容看作賦推公 翰通經得井丹 一時慶平聲道合

千古嘆才難有喜聞 天語連行拜 睿翰傳觴

來 拘馬供食走中官 德並高天迥 恩兼少海寬

時皇太子亦賜酒果 右文忻盛世 身受擬同觀

擬賦得膏雨潤公田應 制

夏正春將半 輕雲結晝陰 人間同望歲 天意早爲霖
霧氣屯龍隕 雷聲繞鳳林 青禾泥不亂 黃壤入尤
深 農父披蓑出 村童荷耒吟 私田沾並及 大稔待秋臨

工部稿卷六 六

擬西園翰墨林應 制

盛世崇文教 離宮西極開 圖書原册府 棟宇自蓬萊
玉軸琅玕並 湘函錦繡堆 說書稱一德 獻賦進群材
謁者親傳膳 詞臣對舉盃 登瀛傳勝事 千古此同推

過李公凱寓有詩見贈依韻奉酬

有出堪誰訪 憐君此獨過 官閒詩律細 樹密晚涼多
小食移珍果 長談對茗柯 隨心碁數局 白日奈余何

又

收枰餘興在有去復如何留客阿戎好李以事他出命子相
狂談龐老多虛庭斜景退高樹晚禽過別舍乘
昏返含情寄短歌

恭擬金蓮花詩應 制

如蓮微具體枝葉翠相將舊產金仙界新移 御
苑傍黃能存正色香自表孤芳一遇 君王賞名
稱遠共揚

恭擬讀 上觀渾天儀器詩應 制限九佳

尚象璇璣設周循度數偕四時行自順七政運無
乖已命司天職猶殷 聖主懷在衡調玉燭長此

戴堯階

擬賦得衣露淨琴張應 制限微字

日入收琴動閉庭夜色歸披衣耽露坐望古託金
徽好鳥栖常定高雲靜不飛聲音通洽化此理自
深微

恭瞻 上賜李大司空 御書有紀

一代明良會千秋翰墨光承恩來 內殿披卷帶
天香雷電交馳逐蛟龍互喻張泐兼前代聖藝絕
後來王葵鼎彌尊重星雲共喬皇三嘆驚未有
殊錫待非常功敘司空懋聲華北海長奎光動東

壁鶉火映文昌價豈連城擬珍宜什襲藏小臣欣
共覩才薄愧揄揚

擬賦得紫禁朱櫻出上欄應 制

上苑含桃密作叢年年結實御欄東枝頭圓綴千
並盤裏紅堆一色同近侍薦新開寢殿羣臣承
賜出皇宮輕盈欲拾憐嬌茜成熟獨先六果中

擬 上時出南郊憫農應 制

青帝臨芳甸蒼龍繞近圻宵衣勞 聖主稼穡念
民依碧樹分宮扇晴雲護 袞衣一遊將一豫千
載並光輝

午睡起有懷 工部稿卷六

長日昏昏眼倦開空階倒影下高槐故人應厭京
華苦別後經旬少夢來

歸義寺齋筵卽事

已訂東林約寧辭冒雨來綠添藤架重香逐槿籬
開阮藉猖狂著休公麗藻推長談苦消渴茗飲足
徘徊

恭擬夏日 內殿應 制

丹陛深嚴散紫煙詞臣珥筆共翩翩雲開北闕瞻
堯日風引南薰叶舜絃侍直曉隨中使入題詩親

獻御牀前湛思此日懽無極既飽同聲歌萬年

贈劔頭陀

湖南老行脚白髮笑頭陀一見形容古還知道氣
多晚烟交徑柏細雨浥庭莎從此山門內相尋幾
度過

與純上人話舊

聚散本無定相逢又此時誰憐半日話已是三年
期自我身仍瘦看君髻有絲清談雜疎雨前路得
歸遲

又

工部稿卷六

九

風塵消白日老至將如何向法心常在浮生事轉
多故人乘化去

聞蜀公歸寂

山鬼望昏過

時有小侮莫怪龐

居士牢曹起放歌

恭擬

上讀貞觀政要有作應

制

我皇情寸陰上理日乾乾心企古帝法不遺後
王編文皇啓唐祚實亦一朝賢政載史官筆書紀
貞觀年睿覽見節取典言成佳篇虛懷不自聖
大化日逾宣典謨有同歸餘者焉足傳

杜少招同蘇濟夫張鳳舉飲寓中

炎風赤日起塵埃好友相招命駕來入戶絺衣旋

白解當盃漾酒莫須催百年已見顛毛白一月幾
逢笑口開別有盍簪聯盛會飛揚合讓出群才

讀李渭清壬癸詩刻有感

漁村歸後詩壇冷舊刻空看壬癸編遠別已傷千
里外故情重感十年前僑居比舍頻相過盃酒良
朝每共傳事往境移追不得爲君泪盡夕陽邊

閏午日歸義寺納涼

五月再過逢五日蘭湯重浴暗香浮繁華莫覓龍
舟戲蕭寂偏宜鹿苑遊大草離奇得懷素新詩麗
藻見湯休法門自是清涼地坐久蒲葵扇欲投

工部稿卷六

十

徐元賓過訪留詩答依來韻

伏雨闌風密不開衝泥早出暮方回貪尋蕭寺山
僧話空枉南州高士來樗散何心偏見訪琳琅有
句謬相推偶然官牒同工部敢望當年杜老才

寄宗定九

愛松舊託慈仁寺步履曾經問寓居千里人歸楊
子渡十年音阻薊門書不才自愧風塵老高臥應
憐著作餘相遇遠公說宗炳江天悵望暮雲疎

爲張婁詠題畫梅

冰雪爲心自一枝相看隱隱動相思故人舊有江

南贈彷彿春光寄到時

西城別墅十二咏

為王少司農阮亭賦

石帆亭

危石如揚帆孤亭一舟穩舟亦竟不移帆亦竟不

卷多少望崖人斜陽空自返

樵唱軒

層軒依山頂山幽盛條枚時聞采薪人勞歌遞相

催樵風無順逆向夕四邊來香樹林賦

牛偈閣

靜士好獨居今昔同隱几萬象分則殊觀心無別

工部稿卷六

昔半偈良已多堪笑具胝子

大椿閣

高閣因嘉樹其幹摩蒼天馨香供採擷可以介長

年眷言念門子為補白華篇

小華子岡

拔地成高坵嵐烟變昏曉好鳥不妄栖幽人好退

眺登臨足散懷無為分大小

小善卷

造境不必濶栖真不在大緬此方丈室冥心託晏

坐天地猶眡畦無名語則那

春草池

小草知節序青青池上歸但覺顏色好誰
微能將一寸心歲歲報春暉

三峰

靈氣忽結聚鬱確如涌起亭亭各自矜落落不相
似卽此是神山何曾隔弱水

嘯臺

登臺弄明月逸興遒然生仰面激一嘯十里聞音
聲音聲人未識皆言鸞鳳鳴

石丈

工部稿卷六

孤石何嶙峋屹然見一老雨雪情所安顏色常自
好不信崆峒山廣成獨得道

竹徑

開逕種幽篁檀欒欲盈畝嫋嫋續續風音青青團戶
牖愛爾抱高節歲寒當共守

綠蘿書屋

結廬依薜蘿枝葉交相屬映月散虛白攤書借微
綠時聞軒中人長吟聲相續

和杜少約遊崇效寺韻

伏雨下無時香林動客思檐藤添翠色徑竹發橫

枝欲去應攜酒相招况有詩此中堪避暑談笑定
歸遲

張通政振六筵間作

伏日炎風滿黃門逸興長邀賓開菌閣邨暑薦水
漿天際奇峰出林邊翠蔭涼高軒洞前後披豁接
幽光

又

十度長安夏同依鴛鴦行中間夏聚散將老愧行
藏我自甘疎放公偏恕醒狂興酣重起舞草樹共
低昂

又

工部稿卷六

十三

避暑傳河朔朝來亦舉觴流連同笑語脫略解衣
裳樹倚孤桐碧花傳百合香輕颺度簾隙旣醉喜
微涼

久雨簡同年諸子

幽獨情難展陰雲密不開漫空翻白雨劃地碾長
雷上漏移牀避盤渦繞砌回盈尊有家釀誰與共
脚盃

又

匝地陰雲合連山雨脚排聲虓如倒井漲急欲吞

陪鶴鶴音相和蛟龍氣轉乖
閒愁難自遣兼起故人懷

又

一雨經旬久門庭阻過尋
寂寥轉危坐蕭颯發離心
書潤青縑帙絃弛綠綺琴
闌風終不反何以散重陰

過馮方寅居

旬餘未過馮魴宅雨後重
尋花隱亭入耳蟲聲如在
野盈階樹色不分青人逢
好友懷先放座引涼風酒
自醒此景長安非易得來
朝還擬叩柴扃

工部稿卷六

雨中直歸口占

偃牀知有戒陰雨更無違
課役工徒少看題案牘
稀郎官會食罷城闕踏泥
歸濺水侵輿入沾濡上葛衣

又

朝叅詎辭遠陰雨密難開
已作衝泥出還成破浪
回浮街三尺水赴壑百重
雷持此問龐老勞勞矣事
哉

送丘洗馬季貞假歸淮上

十年兄弟共京都白髮相看皆老夫
每惜風塵稀

見面可堪盃酒卽長途
恩深北闕情難忍人到
鄉山病自蘇爲說身強宜
返駕如君未合戀蓴鱸
苦雨

伏雨朝逾急閒庭滙作渠
排檐看瀑布架板度懸
除滋翠偏宜竹蒸儼畏損
書出門盡泥潭愁坐欲
焉如

又

淒淒疎復密霎霎暮將朝
未慮居爲沼卽妨稼損
苗魚飛上高堰鳥伏集
溪條千室艱難甚愁咨詎

易消

又

近接家山信淫霖此日同
競傳娶龍女平地作蛟
宮碧蘚侵階畔青禾沒
水中秋收知又薄焉濟客
途窮

又

暑雨長無歇民艱將奈何
屋廬愁欲圮市價苦增
多莫解蛟龍鬪空聞蛙
黽歌水曹不知水庭砌隱
成河

雨後過香林亭

久阻香林遊重尋香林路
雨後靜囂塵瀟灑閱余

步雜樹無行次好鳥遙相顧山桃子纍纍丁香葉
如聚繁花憶春前濃陰憐夏暮小坐披衣襟晚風
泠然度炎病既不侵雲水澹成趣逝者感如斯當
前獲吾素向夕鐘聲來嗒焉發深悟

孔雀行

君不見碧海仙人乘赤鯉化爲孔雀如好士山鷄
澤雉不敢親何來老鴉突相抵子五母六拉颯飛
醜類譁張非分理豈無鳳皇爲汝君梧桐千尺高
不聞豈無鵬鴉爲汝友空張老拳噤其口有烏有
烏亦汝奴天昏地黑尾畢逋么麼焉知情所向往

工部稿卷六

六

來啞啞聞高呼平地忽起波濤渾人情物理那堪
論魯國盜跖欺孔父淮陰惡少陵王孫聖賢往往
遭橫逆山精木魅驕黃昏天門欲開誅蕩蕩東方
漸高紅口上孔雀且忍須臾時看爾鴉盲何伎倆

過王叟舍

相逢握手各忻然愛爾城西居士賢貧去尙留方
丈室老來獨向一乘禪服勞孫子看家法隨分蔬
齋供客筵壘壘清談成久坐炎光不覺夕陽偏

大京北劉怡齋讌諸同鄉余以他事晚赴

避暑張高晏邀權東閣中鄉情聯大府舊好託群

公偏覺趨承晚徒煩俊味豐濫漿浮椀碧

禮有溫有漿

沈李映盤紅盃竿無行次詼諧任異同齒先一座
首心愧五旬童向夕過山鳥迎秋叫草蟲歸雲微
帶雨雜樹細生風月上人皆醉途乾騎漸通相將
展懷抱高咏興何窮

陸義山特簡學士喜賦

廿載鸞坡借一枝閉門高咏亦余師聊將義命安
吾素直以文章結主知奏議乍看新內相科名原
是舊宏詞那無善巧爭先路寧靜承恩轉自奇

陸義山特簡學士喜賦

廿載鸞坡借一枝閉門高咏亦余師聊將義命安
吾素直以文章結主知奏議乍看新內相科名原
是舊宏詞那無善巧爭先路寧靜承恩轉自奇

叢碧山房詩三集卷七

工部稿

任丘龐 塏雪崖著

立秋日送鄭修來侍御假歸

梧桐葉下早秋生，雨滑風清此送行。朝值太平

無闕事，人因久別動歸情。往來兩地牽家國，聚散

臨岐感弟兄。知汝病痊全勿藥，北堂有喜卽身輕。

鄭以省母訖已病請假故云

勞書升通政藝蘭數本，隔年花開特盛繪圖。

賦詩敬次原韻

素心結契託芳蘭，藝植寧辭灌溉難。花比去年重

工部稿卷七

較好，根依客土久能安。懷香自逐光風轉，緱佩休

同庶草看更喜，僧繇寫生手。山房吟倚足槃桓。

立秋第二夜懷王澹人通政

暑氣非全歇，秋風漸覺清。貪看良夜色，忽起故人

情。殘月轉危坐，芳尊只獨傾。王克饒博辯，著論會

應成

雨後過石林寓

有期寧不顧，雨過水涓涓。就下衢如港，乘來馬似

船。添燈驚白髮，把酒惜流年。爲語草玄客，書成莫

浪傳

又

秋至門仍掩蟲聲雨後多亦憐人事靜共奈羈愁
何消日憑書卷題詩憶薜蘿吾廬饒自近談笑約
相過

秋夜讀道德經

一雨携秋至蟲聲向曉歸暑消青瑣闌氣爽白蕉
衣燒燭差堪近攤書願不違同塵思老氏此道未
云非

贈王少司農阮亭兼謝枉顧失祇候十二韻

夫子邗之傑珥璋挺上台精心紆國計學古發卿

工部稿卷七

二

才詩律人皆問勞謙世共推忘形通有技汎愛及
凡材戶外投書入朝端奉教回方將借玄宴詎敢
託王駘曉日直廬去高軒長者來應門虛祇對倒
屣失趨陪題鳳饒知免鑿坏那更猜三朝靈雨歇
六月晚花開塵覆茅齋榻陰移露井槐歸遲思雅
度繞砌獨徘徊

同賈青南過馮方寅寓

大火倏已流西風泛微涼駕言踐夙約訪友宣南
坊入門見草樹索索變青黃秋卉自媚潔紅紫競
餘芳物候各有宜愚者昧其常自我挂通籍十度

移星霜官次雖少遷前路猶茫茫歲月不假人蹉跎良可傷聊應與知已長歌倒壺觴

荅徐元賓

趨走逢朝暇清談佐一卮開筵無後味投贈枉新詩暑氣回單綵秋光到竹籬相期肯重過幽賞最相宜

寄張肅昭侍御

秋風易搖落長年多悲情已復感時節兼之懷友生郎署肩顏駟澤畔困屈平理弱媒自拙導言詎能貞

工部稿卷七

三

又

陰陰日暮雲漫漫南北道遠不可思思多令人老時休賤蛾眉朱顏爲誰好努力崇高節知希以爲寶

又

秋聲四邊來歲序驚遲暮情感不但一憂思寧有數蘭蕙委幽谷棗蔬延當路誰能改前修周容以爲度

又

十載長安道與子同心期枉用前時好祇益今時

悲明明中天月不照桐樹枝桐枝念鳳鳥何當復
來儀

又

年往悲運促愁來怨日長夙昔同心人參辰兩相
望把酒不能醉狂歌不成章思君若河漢惜哉無
津梁

送馬衆瞻歸江南

一雨涼增秋氣清聞君歸思滿江城布帆北際憐
孤往尊酒何時好共傾前路空看芳草歇離憂偏
逐晚蟬生蒹葭白露無南北回首伊人兩地情

工部稿卷七

四

自題讀書秋樹根小像

庭畔傳經日清秋落葉初有聞時倚樹退學更看
書供養貪天祿承歡阻舊廬風光常在眼歸計問
何如

又

書舍依堂背西風老樹邊何時歸負米盡日坐開
編圖書渾如昨鄉心只自懸趨庭兼問寢踈曠又
經年

過孔東塘寓見秋花滿庭賦贈

半畝城南宅幽偏好物華斜陽百蟲語秋色一庭

花宦况依中隱儒風出世家坐來分靜氣談笑意
偏賒

又

種花延晚景小院滿秋光向日分多色臨風並一
香賞心看不厭高咏興偏長趨走逢餘暇重期間
草堂

送宋稚公下第歸養

西風颯颯高雲涼千林葉落啼寒蜩秋氣中人懷
故鄉我欲贈子無衣裳平田禾熟煙漠漠前飛鶴
鷗後燕雀布帆獨掛歸去來自髮承歡依山閣飯
菽飲水胡不樂

工部稿卷七

五

秋樹歎

庭樹方三月葳蕤多容光美人坐相悅行者竚傍
徨一夕涼風發青女散嚴霜柔枝改勁條翠色變
萎黃忽如中年人朱顏就老蒼節侯日夜移凋枯
良可傷焉能長春時爲君增慨慷

哭喬石林子京郎

寓居余最近來往數相將踏屐衝秋雨添燈話草
堂死生今日隔懷抱幾時忘落葉看人世飄飄信
可傷

又

長林聊自適又復到京圻骨月生前別田園歿後
歸君知憂患盡我痛故人稀南向白田路愁雲慘
不飛

又

有賦升鸞掖無家就夜臺牢愁才不展厲疾命堪
哀注易通消息所著有喬氏易觀生識往來忘情余未得

泪下濕蒼苔

登崇效寺閣和袁杜少

登樓忽發興杖履到禪樓獨客感何事秋聲來自

工部稿卷七

六

西晴雲雙闕迴斜景萬峰低賦手憐王粲揮毫取
次題

閣上懷友次杜少韻

獨上高樓返照斜秋光回首悵年華聯吟不見當
時客繞逕空幃滿眼花欲脫樊籠寧有術苦遭風
雨怨無家爭知縲紲猶安處何限悲情入暮笳

不飛 紫芝歌

室中何有書滿床靈氣蔓蔓生紫芳仙草無根得
者昌主人絃歌樂未央

又

室有紫菌命以芝形如華蓋斑離離不于山谷于
書帷天降靈瑞誰能知

送覺上人入越謁本師

越水三千里清秋八月時辭家初作客得法更從
師巖壑山陰好煙霜塞馬遲知君經過處取次有
新詩

又

前歲平陽老傳衣到薊門殷勤垂記荊跋涉苔深
恩秋色楓香樹人煙紫蓼村法堂相見日親切更
堪論

工部稿卷七

七

中秋賦獻左司空李貞孟先生十六韻

環宇中州會名山太室標兩儀鍾正氣五百應昌
朝大雅梁園作風期仙李超波濤終利涉羽翮曠
扶搖丕績宣冬省真清率屬僚有容渾自大居上
乃無驕衆凝屏樗散心偏惜篆雕將恩施不報于
故念尤饒禽假湯餘羽桐收斂下燒絨情矢嘉德
生甫記良朝白帝分秋令銀蟾吐碧霄影隨松幹
直香接桂花飄錯采連瑤席諧聲比玉簫盍簪佳
客並豐膳大烹調醇酒看公瑑長年得子喬如恒
規有象著頌託風謠

寄毛大可檢討

沈子南旋日相詢有寄書

沈方舟歸有寄

山居知已定白

髮近何如家食收菰米湖鮮割鯉魚優游謝人事

來信莫應疎

本月初夜有懷再寄大可

沈方舟歸有寄

序轉秋過半閒塔坐苦吟可堪今夕月重感故人
心露泥蒹葭色風傳蟋蟀音空持一盃酒室遠爲

誰斟

中秋招闍公度蘇茂弘寓中看月

高林欲暮散輕煙待客臨階啓夜筵白露驚心秋

工部稿卷七

八

已半清光照眼月初圓狂歌那復分賓主痛飲何
須問聖賢相對陶然歡自足誰家急管雜繁絃

又

官貧性癖耽清興斗酒良宵尚可謀况有同心來
二妙肯將好月負中秋朝廷仕宦誰偏巧人世上
涯本自浮賓客庾樓那更在當年觴咏亦風流

袁杜少招同陸義山過雪公文室余抵晚方

赴遇陸于途袁亦散去仍詣雪公坐談良久

披衣日日狂趨走有友相招向法臺薄暮方携餘
興往中途恰值故人回高車已去誰能挽竹戶纔

關喚却開獨與山僧消茗飲空階月上重徘徊

題樸園圖卷

園在磁州城外而山環水景物天然大司成張公先墅也近復

增修繪圖徵題爲賦四首

負性耽幽賞披圖得此園沿河安曲檻傍嶺起層

軒卽事人工少娛心景物繁依稀喬木裏似有早

蟬喧

又

誰寫辟疆勝晴軒展對初川原分黍稻衣服別樵

漁徑想尙書履

園公祖前大司馬勅建

室藏太史書

公交前翰林庶

士擬求鄰隙地相傍結精廬

工部稿卷七

九

又

往往開名聖人殊境已遷幾聞增綠野當

去聲世廢

平泉堂構君家接風流海內傳滄桑終一姓不獨

美山川

又

張侯好別業撫景索題詩花雜不分種竹繁欲作

籬丹青饒善手麟趾領佳兒

公子丙厚甲戌進士

莫羨藍田

勝千秋更足推

勵令式過寓誦近作有贈

過門承遠訊兼肯誦新篇感慨由鄉土

韓文燕趙多感慨悲

歌之
士 風騷出少年壯行猶有待向學自堪傳寥落
高劉後高適劉長卿俱河間人粉榆見汝賢

秋晚書懷

無才趨走欲如何門掩清秋鳥雀過滿院西風摧
落木一天涼雨倒殘荷郎曹何地容依隱子舍關
情託放歌聞說鄉山禾稼熟遂初欲賦恐蹉跎

蘇茂弘招同袁杜少陪田綸霞侍郎寓中雅

集並呈侍郎

舍人孟竚早相期司寇軒車亦不遲興到原非真
愛酒情深偏肯細論詩菊知近節垂垂放席爲留
歡故故移十載長安茲會少開懷休問夜何其

工部稿卷七

十

見市有賣菊者偶成口號

今年節氣異前年八月忽如九月天廟市叢叢爭
賣菊無錢卽買插籬邊

晚歸表弟邊縵卿爲買菊置齋中驚喜有賦
退食纔歸暮景深黃花照眼見蕭森草堂忽漫生
秋色濁酒難禁起夜吟表弟他鄉情更切流年白
髮老相侵囊中何處閒錢在強買高枝慰客心

重陽前三日招浦副工費葛陂徐元賓王念

詒程禹三曹渭符何公權虞武通暨綬卿表

弟崇效寺登高

淒淒風景逼重陽，預擬登高向法堂。
忽有園丁來送菊，轉憐佳客坐飛觴。
香烟縹渺浮金界，霧樹蒼茫接大荒。
眼底相看吾老矣，流連一倍惜年光。

重陽前二日孫樹峰招飲

高會昨朝趣已賒，興來今日又君家。
能文自合推

孫盛，落帽先防似孟嘉。

晉書孟嘉落帽桓溫命孫盛爲文嘲之故云

天

近重陽常帶雨，菊經閏月早開花。
招尋迭用成賓主，不遣白頭負歲華。

重陽前一日招張子大袁杜少過馮方寅寓

賞菊

工部稿卷七

十一

聞君籬菊好，乘興晚猶來。
酒許携朋載，花寧自我栽。
暗香分四座，寒影動深杯。
忍待佳辰過，先期取醉回。

又

籬畔幽多趣，清談興轉賒。
暫來分主席，相賞乃吾花。
醉後歌應放，歸遲月已斜。
明朝無去處，重擬到君家。

九日同官駟遊黑龍潭不果集飲江魚住宅

中

自公期早出輿馬問前溪令節他鄉會同心四署
齊衝風愁遠道釀飲借幽棲亦有黃花賸還拚醉
似泥

又

不向城南去還登小謝堂一官雙白鬢百歲幾重
陽簡禮饒驚俗高歌轉放狂陶然餘興盡何必問
前岡

九日有懷用令式韻

登高傳令節遣興強追尋豈少同人會難消久客
心花慚黃菊放眼眩白雲深獻壽常年酒初觴是

我斟

工部稿卷七

十一

送程雲峰赴貴州經歷司

三秋時已暮萬里送君行蠻種各爲俗童山亦有
名高才常共許長吏謾相輕倘過龍標地應深憑
吊情

又

往往思相晤悠悠遂至今黃花猶在眼遠別若爲
心異俗增聞見閒曹足醉吟南荒苦炎熱最好是
秋深

又

文物當今盛，籌煙貴竹新。題荒亦王士小吏用
詞人簿，領朝多暇。詩書分自親，朝正逢使者寄。扎
望來春。

方寅饋蒸鳧賦謝無暇其前恐不實

署冷官閒，廚自貧何來。蒸鴨惠余身，中餐一飽堪。
生受不比猪肝，出邑人。

秋日感興用雪公韻

久客悲涼，秋落木懸。風雨葉落，有時窮客愁誰能。
數引領望故鄉，三星帶茅戶。願逐南飛鴻，惜哉無

毛羽

工部稿卷七

又

寒暑有定序，焉能長不秋。飛蓬問草蟲，嚶嚶欲何
求。修短天所爲，愚者徒煩憂。及時用爲樂，美酒炙
肥牛。

北里剝梁肉，南里艱藿藜。人世無百年，貧富各暫

時。志士畏日月，爲善如無期。良苗秋不實，將爲稊

稗嗤

衆人藝春畦，楚客營秋圃。春芳以春殘，秋芳耐霜

露此時坐東籬色香淡成趣落英奉君子初心良
不誤

又

倦鳥望故林涸魚阻舊水所處非我鄉咫尺卽萬
里萬里猶可歸無家爲誰倚感此不成眠中夜三
四起

程禹三徐元賓過寓

寓舍荒仍僻霜風路擁沙何來高士駕同過老夫
家小食慚寒具窮秋愛晚花偏饒清興在歸騎逐
昏鴉

工部稿卷七

十四

耿孝廉灝入都見訊兼示潢溶兄弟

白日秋向盡霜風急于射耿子惠然來問我城南
宅床下展再拜起居勞

去聲

父客從容應對聞詩書

氣克溢念我平生人悲喜動精魄攻苦窮天年九
舉不一獲幸子兄弟賢次第各通籍

灝兄潢弟溶
相次領鄉薦

遺澤施後昆足以慰窳窳吾老困簿書郎署傷偏
迕陶情賴盃酒黃花猶可摘將子無且歸相留永

今夕

荅柯南陔二首

吾宗居士後奉佛笑支離老去仍貪祿忙中不廢

詩無生徒浪說有贈轉相推枉顧虛高駕翻隣退
食遲

又

汀左門風盛曾聞大阮賢名偕群從著詩許老夫
傳南陵叔巨川以詩屬予序
玄晏吾焉敢桓譚竊勉旃文成須
細論携草就君前

讀李公凱買菊詩

李公澹蕩人任真余所師俸錢買黃花秋色生東
籬高吟望彭澤千載遙相思人代有遷變時物無
改移今花由古花古時亦今時興來還相就與爾
同心期左手持盃酒右手把菊枝我是龐參軍試
問君爲誰

工部稿卷七

五

叢碧山房詩三集卷八

工部稿

任丘龐

塏雪崖著

冬首頌三十四年曆

冬首頌王正攜歸意不禁未春先見曆來日倍驚
心歲數增將減時行古自今悠悠信生理不擬問

升沉

以新頌曆寄家中感賦

辭家頻改曆五度寄新編

余庚午入京今甲戌

歲月傷心過

庭幃望眼穿年光兼喜懼日用自熬煎菽水何時

足晨昏待膝前

工部稿卷八

送袁武若司訓大城

杜少編修子

筮仕依章武孤城五淀餘學田收晚稻午膳煮河

魚士朴尊師表官閒讀父書三冬文史足騰踏好

相於

又

我愛儒官好依棲近鳳城鄉風原不改師席自爲

榮冬淺留黃菊厨貧祇菜羹天寒一尊酒聊見世

交情

退朝

退朝人事靜斜日照寒林餘暇休輕擲新詩暢獨

吟金門中隱客白髮故鄉心
可喜兒曹長庭幃事
可任
招孔東塘柯南陔集雪塢文室
勞人爭短景餘興趣香臺欲誦南陔句還邀魯國
才生涯看白髮事業付深杯幸遇同心客相將笑
口開

又

負性從疎野邀賓借鹿園
朝閒宜小飲地僻任狂
言寒日松逾健嚴霜菊尚存
賞心猶未極山雀噪

黃昏

工部稿卷八

二

題陳聖功畫菊冊子

開到黃花秋欲闌
圖成細蕊與人看
春花不是無顏色
未許山窓共歲寒

又

含霜帶露足風流
寫出東籬景色幽
未是有心矜晚節
他花原自不禁秋

東龍改菴

四序初冬候行年
五十身將衰憐短日
沾酒念同人
庫榻先朝下黃花
向晚新吏留棋局
在幸勿厭

街塵

早朝值雪

啓事隨班入方朝大雪來寒增仙掌重花撲侍臣
開豐歲占先兆芸生仰共培 皇心應有喜願進
萬年杯

又

飛雪及時降彤雲密不開迴風飄玉砌鬪色上宮
梅競掃千夫急傳呼中使催白頭似司馬獻賦愧
無才

左臂吟

早起入朝天雨雪冷風如箭射骨節左臂忽中苦

工部稿卷八

三

痛生歸卧牀頭神不悅忽起大笑聲胡盧龐公無
乃爲形愚木客能行商羊舞獨脚有民成國都四
支幸饒三支在上體下體寧差殊不見當年杜陵
叟右臂偏枯用左手服勞尚右覺我良揮毫拈箸
焉足醜人生百好那能齊造物非我何悽悽縱令
變化成雞去吾將求爾中宵啼

送張子久司訓延津

祭酒張樸
國弟也

相送之官去衙齋倚棗城職無牽俗務道在長諸
生雨雪懷前路山川引別情思兄因及友問訊致

餘聲

寄高愚谷觀察

叢叢西望極蠻方，移鎮東山近我鄉。
秋水江湖終自阻，佳人懷抱幾時忘。
空驚歲月生華髮，不改迂疎伴省郎。
爲說朝回重閉戶，三更高詠亦荒唐。

早春送程禹三暫如光州省覲

趨省當歸去，前程問汝川。
近鄰黃歇宅，新買弋陽田。
我自憐家慶，人尤羨錦旋。
經過伯倫墓，將酒奠前賢。

又

冰雪冬初盛，家鄉計里回。
雲移中岳近，日出五關

工部稿卷八

四

開獨客憐吾老，吟詩念汝才。
汝南人物地多識，姓名來

又

朔風朝更急，策馬向河津。
雨雪輕前路，庭幃念老親。
有期需試宰，暫假作歸人。
言笑聊分手，重來訂早春。

塞上吟

塞月荒荒鼓角悲，黃沙白草正迷離。
尋常也說邊關苦，不到邊關未盡知。

又

塞門風急雁聲哀小戍邊關老未回直是鄉心忘
不盡家人莫更寄書來

十石角弓鐵兩襜邊烽未靖守河湟男兒須向沙
場死不上山頭望故鄉

軍中寔罷偃軍旗橫笛歸來馬上吹忽見骷髏還

下拜何人端不負男兒

李公凱學士抵晚過寓同馮鹿田陳聖功小

飲

工部稿卷八

五

衝泥早出趁朝回遲友空庭倒影催高唱忽聞詞

客入連行恰值畫師來

馮陳皆善畫各出冊頁同賞

意關飛動

看雲水語帶詼諧送酒杯最喜初冬寒尚淺一燈

相對菊花開

懷李廣寧使君

河間一作東西別歷下頻更五六年髣髮漸增老
將至風塵欲往會何緣雲中莫寄新書札壁上猶
存舊和篇却望蒹葭怨秋水夢魂長繞碣湖邊

朝回不及赴愚上人約並示杜少鳳舉

泥深填委巷大雪更霏霏趨走傷心盡追陪老力

稀山僧期不顧良友願俱違高卧幽窓下空聞野鳥飛

不寐

不寐頻移枕宵寒念久陰愁無酒可破老有病相尋月影失通照烏啼多苦音百難當卒歲惟付短

長吟

司空移居歌

爲李醒齋先生作

營宮造室司空事却笑司空賃舍居昨日街西今巷北年來只有改門開

又

工部稿卷八

六

雪後泥濘一尺餘司空卽日更移居高車連載載何物萬帙千函祇舊書

又

庭後庭前淨掃除還乘吉日就新居尋常家具隨

安佈華閣中間供

御書

夏五月賜御書天馬賦

敝裘行

長安雪後北風發慘帶鋒鏑刮肌骨綿力欲折錦縫開惟仗大裘救寒厥我有裘名舍利繇文豹爲弟貂爲昆服之將幾二十載毛秃色壞煖性存此時視爾尤可憐忍能桁上成虛懸服章新定等威

在官甲未可披朝服天往聞萬曆丙申夏標梅垂
實天桃謝官書曉出選蛾眉村莊醜女不敢嫁靈
狐能言神與通蠢者叫嘯依蒿蓬苦遭網羅責禍
福箠死無語酬山翁又不見苦李纍纍周道右扳
折屣辱行人手渣鼻老父不解飲酒筵嘲笑招多
口虛名受累從來多美惡同號宜同科敝裘委之
那可道安得黃金求其他北風慄烈奈寒何裘兮
裘兮寒奈何

經憫忠寺有懷若之上人

憫忠古寺常游地一過山門一斷腸滿院僧徒三

工部稿卷八

七

百衆西廊西下若公房

冬宵引

用宋之
開韻

陰雲結兮天欲雪望鄉關兮腸斷絕高堂白髮
當寒月何用卒歲衣褐缺欲寐不寐宵將中寒烏
啞啞啼北風爲我謂烏無太苦吾與爾曹同固窮

又

用司馬
承禎韻

拍冬夜兮望陽春陽春遯遯思煞人北風刮地山
出雲雪花如手橫紛紛客子禁寒胡不返兄兮弟
兮歲將晚歲將晚兮見無因咫尺鄉關誰道遠

張貞臣學士以公事到部草具舊話

口日披衣伴趨走生平好友見應疎
暫來東省停高駕重說西清共直廬
風雨故人心尚爾逢迎地主愧焉如
相留倉卒無佳味滿眼盤食只菜蔬

命 鼎望許同令叔石齋見過不至

詰朝重有約來訪草堂翁已設中尊
待還期大院同輕裘寧畏雪高馬好
乘風延竚思公子何時過巷東

又

逕雪迎晨掃門扉待客開卽防輕騎
出故放早衙回樹暗山禽集風寒畫
角催同心人不至寂寞罷

銜杯

工部稿卷八

八

題潘工部小像

畫單騎露頂挾弓矢于童山漫水間

我亦逢人求寫照寫來腐態總堪嗤
何如靜掃書生氣只寫南山射獵時

余像作讀書秋樹根圖

又

平林木落草蕭蕭單騎橫弓箭在腰
逢著雉飛須

命中大夫無美爲誰驕

又

尋常結束不著冠角弓羽箭亞繡鞍
長安醇兒誇身手遮莫當場一樣看

又

古語方言那可信鄉風土俗總無憑披圖試看潘
工部騎馬南人也自能

呈韓學士 慕廬先生

重聞新命出田園祇謁隨行愧及門他日諸生

吾獨賤千秋夫子道原尊卽看失路陪趨走未敢

今時犯教言回首高天感知已蹉跎直有負深思

少為常少司空紫侯先生題壁上五桂

何來五株桂乃在室之楣枝葉揚舊色黃花亦離

離高下各秀終窈窕互扶持乍見忽欲動久視意

猶疑微風度博山彷彿香來時

工部稿卷八

九

同胡熙臣話舊

御史宅中相聚日盈庭好友話心期尋常見月重

呼酒取次看花亦詠詩盛事難留雲雨散同人空

結死生悲當年故客惟君在握手驚看鬢有絲

恭輓 溫熹貴妃三章

德容生白著艱疾欲何言遺囑悲宮婢彌留戀

主恩黃泉無返路金屋有歸魂彤管詞臣在千秋

起定論

又

粧樓側不啓鳳駕去何依未待葭灰動時冬至
看玉露晞畫衣藏寶篋別殿收靈幃忍見輶車前三日

泉臺是永歸

又

應逐湘靈去空驚寶瑟沉詔停三日發恩結九

原渡送騎迷愁霧吹笳帶慘音傷心理玉處松柏

自森森

呈總憲王

儼齋先生

忽報高車入

帝鄉同人出郭遠相將情依丘壑

饒堪放道在

朝廷那遠忘千里江湖懸涕泪十

工部稿卷八

十

年離別兄衣裳不才有待開茅塞趨走風塵祇自

傷

有送余青果者戲題二絕句

兩頭纖織生絕奇遠託舟楫到京師饒人到口休

急性從容好待味回時

又

易得相親亦易疎人情物理比還如龐公自解常

青果陽畫當知賤白魚

青果橄欖白魚陽鱚也

夢渭清二首

北風索索掃寒林坐擁寒衾恹自禁中夜故人還

入夢暮年離別倍關心
魂來不覺山川隔
室遠偏憐雨雪淡
草閣依然賦詩地
何時真對白頭吟

又山錄某不賦林

夢來何事獨相尋
十載金門共陸沈
交謝中人甘

一拙行惟直道託同心
少陵趨走傷工部
李白飄

零去翰林愧引前賢高
比擬翻嗤宋子未知音
宋雅

公序文以李杜比余兩人故云

題常司空壁上胡良所畫雙桐歌

胡生畫手今擅場
挾筆忽上司空堂
立粉如山削

半壁一揮聳出雙桐蒼
直幹凌空走真氣
回枝散

工部稿卷八

十一

彩搖青光燕雀偷眼不敢近
欲待雲中丹鳳凰
檀

槐梓杞松榆枋衆木凡材安可當
良工顧盼心回

惶擬斲琴瑟調宮商
房中四氣均溫涼
青女不到

飛微霜空翠半落沾衣裳
主人朝回飲一斗
調絃

安坐歌未央

一昨秋山讀易贈沈登子

隱侯園子澗西頭
苦竹長松生處幽
讀易經時惟

閉戶滿山紅葉不知秋

又對草閣外然想精誠

小關山園養真素
大易一編經手注
研硃不用淡

澗泉自把銅盤採秋露

又

讀易空山落木時笑他宋玉強生悲秋來秋去非
天意說與人間總不知

余作敝裘行有服之將幾二十載之句王司
農阮亭戲云方二十載未敝也宜以見惠荅
以三絕句

晏相狐裘年歲長吾裘相比未相當贈君卽日登
台輔十載猶堪政事堂

又

工部稿卷八

十一

晏子一裘三十載先生原自有鄉風吾裘不惜殷
勤贈要取當年相業同

又

穎禿毛荒可笑人不堪持上上公身收藏有待還
山去五月長披好負薪

贈武進令張稚菴

有序

張公汴梁人前壬午經魁選武進令到官十
日遽辭去優游鄉曲讀書賦詩間作書畫自
娛今年七十餘矣老而不衰頃以詩畫見寄

賦贈二首

自昔耽清尚高年興未窮丹青知又鈔草聖舊來
雄十日郎官宰千秋靖節風郵函頻有贈感結寸
心中

入同又

高臥看華髮遺榮自早年時平身已隱詩好世猶
傳卜宅繁臺下爲園汴水邊何由親几杖言笑奉
周旋

題芙蓉複壁

倚畫石
及桂樹

託根宜水際花發忽房中豔色驕人面丹青妬化

工芳香誰可並長飭小山叢

工部稿卷八

三

招友人過崇效寺探梅

聞道雪公室寒梅開欲勻看花動高興折簡報同
人食借伊蒲饌尊携麴米春吟詩堪共賞勿厭踏
輕塵

承汪舟次觀察有贈賦謝

洛川移節去閩海又經春誰謂江湖遠無忘落莫
人同懷齊一視分惠喜俱勻正值連朝急余心感
是真

齋中紅梅將放

梅樹生長好今冬開未遲經時方小雪弄色忽南

枝影逐晴光動香依靜壁吹紅顏終不變吾髻又
添絲

寄徐電發檢討

去國裁詩別驚心八載餘如何千里道莫得一行
書自覺來人少誰云去者疎南歸逢信使欲贈更
踟躕

又

行藏那可問懷抱感同深欲寄江南客先傷薊北
心功名吾道薄雨雪歲華侵尺素情難盡爲君續
短吟

工部稿卷八

十四

同何公權過雪公丈室看梅

年光物候遞相催臘近禪房見早梅老至從教雙
鬢改尊前且對一花開人依勝地懷先放客喜深
談晚不回爲說新春消息動寒林啼鳥莫須哀

送張工部假歸

我自懷歸未得歸斜陽送客意重違傷人共指臨
岐苦應見臨岐泪染衣

陪張樸園前輩馮方寅袁杜少龍改菴飲花

下

小樹香梅冬著花同人趨賞踏風沙饒憐細蕊生

春色那惜淡杯荅物華樓上看山心共遠筵間說
怪興尤賒棗林不學東林隘偏喜吾徒醉日斜

次韻荅信公弟

日望鄉書到書來且奈何懷余情孔切憶汝恨翻
多身在看皮骨心懸向薜蘿無由同子舍忍泪託
長歌

關弟信公近詩喜賦

開編忘欲寐喜慰一何濠解用吾家法猶存正始
音選言無俗調學古見精心好進竿頭步同歸著
作林

工部稿卷八

五

同馮方寅袁杜少邀徐陸李三學士龍大理
過雪塢丈室賞梅

臘回春近逼年華喜說看梅開士家四座同心聯
勝友數枝如雪占先花山僧隨分供蒲饌學士多
情贈木瓜陸贈雪公坐久渾忘天色暮香林啞啞有歸

鴉

又

三冬欲暮見春花色靚香清好物華客喜蕭閒依
道院天憐幽賞息風沙圍棋分對排雙局酒榼同
携出各家龐老留連伯高住狂情應笑兩人除

招顧復齋張樸園前輩張寄亭同年寓中小

集

強從趨走溷風塵，知己無由得屢親。
何幸車輿來長者，翻慙粗糲款同人。
酒沽寒夜難成醉，梅弄幽香欲放春。
乘興不嫌門逕僻，看花重待話情真。

李少司空爲母太夫人入裘稱觴奏劇卽席

賦詩用呈司空

綵緞裝檐氣色新，司空獻壽款諸賓。
瑤觴酒煖疑非臘，華館燈紅欲借春。
誰指傳奇爲異事，親逢佳慶在今晨。
未應官秩論尊養，得侍白頭有幾人。

工部稿卷八

十六

過李翰升承欵留同寓朱可亭太史相陪共

飲

出署朝過訪相留意獨真同，居憐二抄接座喜三人。
飯煑香粳米，杯傾竹葉春。
長談各不厭斜日，未回輪

夢侍先祖食魚羹

夢裏魚羹手自供，憐孫猶展舊時容。
分明日用家庭事，今世今生那再逢。

李鼎公携酒同解子飲寓中

不盡前宵典乘昏，復過門偕行領佳客。
卜夜載芳

尊世好堪重續新詩許更論餘酣去巾幘耳熱訝
冬温

又

一榻週圍坐情投分自親添燈嗤地主借酒勸同人
梅白將開臘松青欲變春談淡明月上歸路喜
無塵

題何公權樵雲圖

何郎舊是山中客五載京華行路難憶遍鄉山歸
不去乞人寫作畫圖看

又

工部稿卷八

七

堂背南山秋色分倚闌人在盼斜曛寧知此際京
華子畫裏看山望白雲

東張工部釣庭索筆

一歲風光看欲盡千門煥彩競新正爲誰辦寫宜
春帖却向君家乞管城

十二月十九日家君誕辰遙開壽筵招徐

勝力陸義山李公凱三學士袁杜少編修馮

方寅行人龍改菴大埋飲寓中是日迎春

綵杖迎春春復新北堂初度會芳辰虔將獻壽依
家慶欲借添懽有故人梅吐寒香紅乍放菜傳細

縷翠偏勻當前景物饒堪賞願乞高言報 老親

又

佳辰恰值韶光轉風景何曾聞各天亦掃茆堂邀
上客遙開春酒介長年東郊日暖薰高樹南極星
明照綺筵兩地懽娛同此會不知扶醉幾人偏

老父誕辰請客寄示諸弟

此日 嚴親初度日條風乍轉故輕陰春盤進酒
宜家宴客署開筵亦子心汝兒同懽排雁序吾憐
助喜聚朝簪直應輸爾瞻依切南望庭帷意不禁
小除日同人飲寓中用張鳳舉韻

工部稿卷八

六

京華客老興尤顛獻節邀懽亦可憐殘歲尚餘三
日臘同心相得五人賢杯香預試屠蘇酒曲好遙
投白雪篇敏捷揮毫美平子燈前高詠欲忘眠

叢碧山房詩三集卷九

工部稿

任丘龐 增雪崖著

奉和王珣湖學士早朝 太和門有感之作
閭閣晴開獻歲端 皇心有慶萬方懽
鷓鴣班依次 來嶻嶭甲仗分行對鷓鴣冠
已喜賦詩同賈至 願言卜宅就王翰
感時懷故饒情思白雪長吟字字安

新正三日雪上人沈一韓寓中小集

薄宦成吾老 流年過眼新
辭家長作客 多病轉禁春
淪茗留禪伯 開尊對酒人
登高饒有興 預約待靈辰

工部稿卷九

勵近公太常讌同郡諸人于內邸

奉常 賜宅傍丹霄 門對離宮佳氣饒
律轉青陽開令節 情深閭井念同朝
相思正擬披裘往 高會偏承折簡招
連日公庭休入直 開懷應得末今朝

又

入門携手倍情親 眼底風光事事新
漫說年華非故國 最憐言笑盡鄉人
盃傳桐馬沾真賜 案簇春盤帶五辛
稍覺東風稀晝漏 儘擽高興荅芳辰

又

衣冠鄉里盛才賢 事上肩隨日月邊
供奉君依

溫室樹分曹。吾少水衡錢。往來情好聯。姻亞通寒
官塲等歲年。倚酒筵前增故態。諸公莫謾笑狂顛。

又

宅傍宜春春樹多。啾啾野鳥暮相過。尊罍有酒情
無盡。城闕將闌晚奈何。夾巷懸燈開夜市。千門打
鼓演新歌。居停分處同人散。鄉夢遙牽濡水波。

懷李涇清

雪後風寒春信遲。出門騎馬欲何之。金臺載酒無
同調。人日題詩有所思。愁至難從天上寄。途長屢
誤夢中歧。梅花依舊窻前發。不忍相看只益悲。

當來日大難變歌行

工部稿卷九

二

當來日大難來日之難。又何難自我長安十六載。
夏經暑雨冬祁寒。析無餘衣。盜無粟索。逋纍纍橫。
相干三百六十日。復日臘回春。轉逢履端。壺有美
酒。庖有肉。稱觴獻壽。胡不懼田家丞相大尊重。鄧
氏銅山差可觀。威權莫遣鬼伯去。黃金寧買白日
闌。百年過半前路窄。焉能坐待增愁歎。鷓鴣長杓
鸚鵡盞。一舉還須累十乾。身後姓氏那復識。醉中
天地由來寬。老鴟據死鼠。拉沓活羽翰。餓麟無落
毛。未見軀命殘。皇天自留生物養。當來日大難來

口之難又何難

晚過李公凱圍棋兼誦新詩

雪後寒難犯思君將奈何相憐同所好故作望昏
過角奕誰常勝新詩自可歌燈前有春酒調笑對
婆娑

齋宿次王學士薛澗韻

聖主祈年肅衆官明衣直日倚朱闌衙齋吏靜聞
宮漏奔走心先向泰壇自喜隨班瞻盛典誰希賜
被敵宵寒臨期擬有神君見翠葆金芝下彩鸞

陪祀 祈穀壇再次王學士韻

工部稿卷九

三

禮祀辰開會從官鐘鳴金闕夜將闌 乘輿早命
蒼龍駕祈穀旋臨太乙壇影動朱旗迎曙色光搖
庭燎散春寒三年趨走臺郎後虛薄真慚接鳳鸞
相賀行

新正親友趨相賀往返相過還相錯開年十日窮
奔忙辜負公暇少安坐今者不樂思前春下床負
創多酸辛人生有足取行履雖疲道路何當嗔

春寒

三冬冷逼望春陽十日春歸冷倍常朔氣橫吹殘
雪落東風莫放早梅芳爐中火蕪全無力床上人

眠半欲僵虛憶顛顏有醇酒慳囊那可問壺觴

又

臘月前煖頗饒春回雨雪轉飄飄沿河柳色無
消息遶屋梅花亦寂寥曝日情親那可得披裘分
絕爲誰驕時裘禁方嚴千門燈火元宵近禁凍還愁上

石橋

偶過龍泉寺贈澄迓上人

披衣思一出隨意到香臺殿閣春陰滿金銀夕照
開游方何內外平等見趨陪妙義能相引流連對
茗杯

又

工部稿卷九

四

夙聞祇樹好今識贊公房相見一何晚浮生有底
忙禪枝邀過鳥新月上回廊得暇還重訪憐君道
氣長

元夕前一日雪上人招同袁杜少馮方寅舍

弟信公齋余偶遇程姪田竟拉共赴時馮疾

未痊以詩來因用其韻

齋筵作客重携客老興顛狂總不除打鼓人迎元
夕會看花春在雪公廬長談自覺新知樂臥疾終
憐故友踈忽接敬通詩句好沉吟相對意何如

十五日袁杜少程姬田雪上人寓中小集暮
赴張樸園筵步月而歸

繁絃急管徹雲宵燈火應推 帝里饒莫信流光
生白髮儘拚高興蒼良宵家筵好友權相得別館
同人晚見招貪步長街看百戲轉憐月色似乘潮
雲岫上人屢訪賦贈

有底門常掩師來何所聞長貧仍抱病一拙自離
羣工部才難稱龐公派已分禪宗與詩律無法可
爲君

又

工部稱卷九

五

擺脫從方外隨場到國門有過惟一老得句許同
論問學饒精進聰明信夙根留君愧香饌茶具代
盤殮

十六夜同韓子靖及信公舍弟飲齋中

開正忽忽過三五續節添燈剩此時蟾魄如輪猶
自滿銀花成樹各爭奇流光逝水誰能住好友通
宵坐莫辭白髮重禁幾元夕儘拚名丁付深卮

上元詞

結綵連雲別苑開梨園子弟戲春臺遙知 聖主
同民樂白叟黃童那不來

又

十重烟火架琅玕變幻神奇有萬端不是今宵來
上苑外邊白首向誰看

又

翠柱朱欄不斷頭懸燈纍纍夜光浮分明萬顆驪
珠現遍照黃河九曲流

携酒同左湘南崇效寺看花雪公偶出仍坐
飲花下

未識山僧出還同好客來奚童將命入草閣喚人
開且坐看芳樹相携有舊醅中食飽香飯偏得久

工部稿卷九

六

徘徊

卽晚賈青南同令姪方虎至雪公亦歸

聯步同人至扶筇老衲歸高談添逸興斜日散餘
暉酒渴重呼茗春溫欲解衣相期梅蕊放還過問
禪扉

荅程姬田見贈

道繼風騷古所難非才何敢溷詞壇亦知吟味饒
多事聊遣窮愁耐一官良會再開無盛饌芳辰相
對感衰殘誰當謬敬投佳句把玩連朝歎未闌

又

金門甘載笑羈遲曼倩詼諧是我師多病日侵休
問藥同人相見且論詩寒宵引興饒酷酒卽席揮
毫有玆思何事老狂不遐棄忘年偏許結新知

赭白馬歌爲鼎望賦

早衙纔下開前軒王孫相訪旋過門牽來七尺赭
白馬使我一見驚魂魄四蹄削鐵竹批耳紫瞳高
匡割秋水虎吞化鬼光閃騰權奇深穩如好士王
孫愛重惟親騎團螭錦障黃金羈過都歷市輕于
鳥萬人競指千人推此馬自是真龍種房宿降精
赤汗溲駕馭未盡沙塲材芻秣猶蒙櫪上寵我心
說渠知不知古來賢傑常苦饑且飽棧豆無多辭
他家亦有追風足鹽車上坂方悲嘶

蘇茂弘舍人送墨露酒歌

蘇君世系神仙後井水櫺香汲作酒釀成種種別
稱名墨露清醇得未有長安飲社連作坊青帘絡
索交相望甘苦畧分非正味灰漿米汁篋糟床提
壺買醉爭升斗一輩登徒近醜婦余真好酒如好
色不遇佳絕不開口宗伯席上曾一傾色奇味妙
牽我情感君意氣能相送未飲狂興先縱橫君不
見離離之黍彼誰子講張平地波濤起不忍見此

令心愁無說直須問綠蠹又不見東家浚井開古
坵白骨誰辨公與侯功名富貴到頭盡祇有飲者
名長留手拍鑿落叫嵇阮渾沌有鄉路不遠吾將
與爾同樂遊一往名丁詎思返

同左湘南張鈞庭寺中看花

公暇堪乘興青莎引徑斜相招同署客來賞鹿園
花題勝欽前輩

寺有楊大洪扁額

傳衣問法家玄言聽不

倦庭樹落昏鴉

二月一日孫九儀曹渭符不期而至因留小

飲

工部稿卷九

八

獨坐感時序年光入仲春蟄驚蟲豸出甲坼草芽
新次第來佳客平安問老身無多存旨酒淺酌共
相親

稍暄

春歸稍暄煖晴口北軒開榻爲高僧下門無顯者
來嬌音憐乳穀翠色變枯麥好友偏相念盈尊饋

醪醉

春雪

令轉春分過風回雪片新漫空遲到地透罅暗侵
人未厭披裘重空思沽酒頻探囊金錯盡那可問

南鄰

挽米紫來侍講

會送嗟吾友靈輻向郭西烟雲同黯慘雨雪重低
迷黃口憐孤子紅顏哭小妻傷心念身後泉路亦
悽悽

又

空復多材藝

公詩文書畫
鑄篆皆第一

誰能返逝魂榮枯自天

數生死荷君恩

公沒復
賜金為殮

累散千金盡終徒四壁

存情親王相國周恤義堪論

喪葬之費皆
宛平周旋

又

工部稿卷九

九

風流出家世儒雅列清班好酒貧猶給臨池老未

閒形骸從地下書畫自人間獻賦同時客悲牽日

暮還

同赴雪公看花之約次韻戲荅公凱學士

詰朝曾有約香積喜重開勝具先携往于思早復

來水曹難繼味學士好調梅更設楸枰在寧須後

命催

許渾身形肥小人以爲游山
濟勝之具自嘲于思嘲李

又

僧自設蒲饌吾仍携酒杯正當春日過忍負好花

開世事何時了生涯笑幾回眼前看故客落落感

金臺

再寄宗定九

寄和新詩好長吟意有餘幾時重握手前歲一通
書鬢髮遙同老鶯花晚欲疎風光迅流轉匏繫歎
焉如

重過善果寺有感

臺殿依然在年光變早春偕遊人屢異卽目景重
新乳鵲分巢入青莎繞砌勾應門童子大留滯笑
余身

陸馬行

工部稿卷九

十

水部郎官大夫後出門不可徒步走昨者探友借
馬騎奔車突發乘吾右車來蹴馬馬駭怒四蹄蹶
起如脫兔翻身倒下石橋頭倉卒誰能伸一顧人
鬼立地驚分途輕裘錦帶血模糊皇天不令腐儒
死魂來附體蝮蘇僕本東西南北士道路經涉
踰萬里太行孟門縱轡過不知大險在城市此身
於世何重輕賢豪長者重關情傳方餽藥走相問
垂堂喻馬戒輕行君不見大通橋使李監督早起
上衙盛結束解衣一噫玉山頽便辭人寔趨鬼籙
又不見南鄰姝子劉孺人朝食置筋旋殞身死生

原自無常法誰爲奔馬誰駭輪人間萬事同茫茫
吉凶由我非荒唐生不過失吾豈免天心示警安

可忘嗚呼天心示警安可忘李名觀陽劉孺人方齋太史妻也皆隊馬

前後日事

賦懷呈李大司空

斗酒懽未畢城闕望昏還奔車駭吾馬倉卒誰能
扳一跌神舍形突如電過山人命信無常生死須
更間面目橫折裂衣裳帶血斑輿歸見妻妾妻妾
有哀顏

又

工部稿卷九

七

有去旣不覺有來亦不知一息難自主百歲爲誰
期驚魂暫來復倪猶蚩蚩痛苦隱然作四體乃
吾肌吾身果爲患焉忍增厭離

又

有人叩我門來自司空堂貽我山羊血紫汞結靈
光其羊本仙種散處黎嶺傍饑嚙芳洲草戲擲萬
仞岡氣充血亦實能起顛朴傷一七纔入口四體
回堅強

又

司空敦古處相士不矢貧三載率冬官日近日逾

親延譽遍公卿遇我殊衆人聞余遭險厄三歎情
彌真不惜難得藥活茲土木身士生感知已此義
堪重陳

又

境往益自危生存倍慘傷余情非惡死大義迫中
腸好文戀 聖主垂白慕高堂犬馬力未展菽水
爲誰將一往倘不歸萬古恨難償感此靈藥力匪
勉取榆桑末言君親義同懷矢勿忘

示弟

墜馬以輿歸面血猶熒熒幼弟前相持痛迫不勝

工部稿卷九

十一

情人事有猝然趨避誰爲明所幸在他鄉免爲
老親驚生死事尋常收汝汨縱橫死當爲異物生
則猶阿兄

承諸大人先生問疾感賦

墜馬魂驚半未收險過翻怪此身留殘生再荷皇
天賜存問頻煩長者憂有辱高車驚陋巷真慚密
室擁氈裘科頭晏起誰無過沈痛何心敢怨尤

墜馬後神情悵惘莫知所以小兒自鄉間來

見之始有生死之感作此

仲春大雨雪沿途消作水小兒胡爲來泥汗黥衣

履見我顏色惡刺刺問所以語及墜馬時泪落不能止負劍閉一室惛惛隨坐起見汝始欲悲再世看父子

又

反首注石梁驚魂逝萬里天心眷祖德險絕身不死生理徐來復薄傷翻自喜墜馬石上死已踰時甦後筋骨無損幸也汝父性嚴急過愆在一已垂鑒心自知淵冰脊所履

以墜馬事報知 老父並申慰謝

斜日禁門歸路遲駭車突發馬驚馳雷霆劃地來

二部稿卷九

十三

何處人鬼分關白一時幸託皇天存老眼免教白髮哭癡兒身經大險能無恙餘慶蒙休信可知

馮方寅以詩見懷次韻荅之

負劍經旬未出門相思雨雪錯朝昏柳生是患君奚惡馮患疝未痊馬逸成災我並論信有盈虛隨氣數

暫遲笑語伴諸昆精神漸復春光滿同向花前倒

酒罇

清明遙祭 先靈于邸舍

悄悄寒禁雪後生深房高枕度清明餘生依舊人間世追遠寧忘地下情跪拜介介憐弱弟香燈暖

暖鑿前楹一官潦倒仍多難來格如聞歎息聲

留客

屏處經時患未痊車輿走訊日連翩兩旬已放郎
官假三百剛存酤酒錢板齒憐余能未折深盃留
客好同傳一春雨雪遲花事預擬身強踏遠川

送程姬田遭母喪歸里

送君重携手滿眼惜芳菲正好提壺賞翻怜徒跣
歸橋烏啼旅夜江水映麻衣千里江南路愁隨落
絮飛

又

夜雨征途滑君行出郭西花疑含泪放鳥作斷腸
啼陟岵情空切還家意轉迷人懷母德送汝倍
悽悽

題袁杜少禪機詩趣畫冊

山水花卉
翎毛雜見

世間萬法皆佛理作詩作畫無不是卽之不可離
卽非揀擇何容分彼此此意卽今解者誰漆園居
士東明子居士能詩詩以禪更兼愛畫入骨髓色
像合和衆手成波斯大胡開寶市或見長松凌雲
霄或見高山削嶮巘隱士茅屋翠篠間仙人鷄犬
白雲裏莎鷄叫跳山雀鳴紅花紫花秋不死龍伯

大人相往來驟駕蚪螭回夜水或言此是居士詩
神奇變幻出一紙說詩說畫總執着是相非相含
妙旨憶昨墜馬遭創傷十日呻吟失懽喜馬身墜
者非真我床頭痛者復誰氏披對不覺諸痛忘伏
枕神游千萬里

題畫石

揮毫誰寫鬱林翁苔蘚僂雨雪中我自有心頑
不轉只應怪爾太玲瓏

讀勞通政書升留別諸詩知行期已定悵然

感賦

工部稿卷九

十五

創臥經旬學下帷黃門歸去有新詩一春雨雪稀
來往千里鶯花重別離蘭軸分題留和草華堂剪
燭散瑤卮行期坐聽增惆悵寧待相思說後時

送勞通政假歸省親

驛路花飛啼鳥喧高車得請向鄉園青春別客留

詩草白髮趨庭領弱孫

公于京中復生幼子

幾載

王言勞

出納百年孺慕戀晨昏人間此樂原稀有千古萊
衣好並論

飛雁曲送舍弟璽旋里

兩雁同食宿一雁忽高飛問爾飛何所南去赴庭

韓庭韓我所戀夢寐見容輝身方在樊籠焉能伴
爾歸

對酒歌

有花還趁春風開有酒且斟鸚鵡盃爲懼要取當
前好休將世事縈懷抱天上陰晴誰可期今日來
日不相知轉眼未及分哀樂須記前朝墜馬時

奉荅方寅見懷且以慰之

異感同災謾自傷寒侵草閣更禁當春陰不斷連
朝雪花信猶遲上苑芳意外殊榮難可望人間諸
苦會須嘗君瘡漸可吾創復踏草旗亭酒正香

工部稿卷九

去

短歌行謝劉文起相招不赴

人生何事稱最樂青春好友聚羣閣河伯獻鯉金
托盤新豐酤酒銀鑿落高歌相對百花開角奕投
壺隨所作劉君文雅真吾徒同懽折簡招狂夫避
風方學東門鳥奮飛不得空踟躕

時劍傷未痊方屏處

徐華隱陸義山過訊志感

脫險留殘生呻吟處重帷忽聞騶從來高唱驚茅
茨故人徐與陸問疾乃至斯入門情自感坐定意
轉疑僕本北鄙士負性多支離長貧不自恥從事
屢失時一官困在朝文藝靡所窺學士承相副巍

巍列崇基往來陋巷間降體恐非宜二公相顧笑
君胡以此爲人生感意氣詎以地分移久要安可
忘故舊用不遺三歎佩斯言斯言誰不知如矢載
周道君子義所綏

春日雜興

創臥成吾懶屏居亦自如不冠常對客擁被且攤
書酒盞渾難舍葷腥欲盡除

墜馬後惡
諸肉食

泥深念趨

走且喜未關渠

又

生平堪自問難至竟如何囊橐金錢少官場白髮

工部稿卷九

七

多幸無妻妾訪猶有友朋過墜馬留唇齒天應恕

嘯歌

又

一春多雨雪雲日冷悽悽脫險魂初定趨庭夢轉
迷沿堤無翠草拍路有淤泥歸去憐吾弟

弟璽
旋里愁

心日向西

又

遇難看交誼偏憐古道存故人爭饋藥顯者屢過
門春冷遲花事愁多付酒尊何時強步履踏賞問

名園

張子大有游
裕森王園之約

又

裏創坐高春春寒半似冬
衙叅那自放官長頗相

容法食山僧送

雪場雲岫各有饒

香醪上舍供

蘇舍人送酒

殘

生饒可幸尤怨擬何從

又

前堂看後舍隔絕似山中
帙散愁饑鼠花開問小
童身羸仍可杖面坼不宜風
獨閉簾櫳內寬心說

塞翁

又

問日重經旬昏昏過仲春
芒屨志出戶蔬酌每留

工部稿卷九

六

人創在寧無痛骸存自可親
未應詩興減意到忽

如神

又

生理源源復風光冉冉祖
花傳三月信酒辦百錢
沽寒盡身應健烟晴翠欲鋪
轉憐春事晚留賞待

狂夫

酬何公權有贈

險絕驚前日關心分獨親
子能重贈句吾得更爲
人居自移來近春從雪後
新齋中梅始放過賞莫

辭頻

送劉季木宰長沙

知已不易得別離常苦多一往歸東山十載悵巖
阿巖阿時復來良覲轉蹉跎雨雪填春衢災患恒
不瘥朝聞領大邑試宰湘江波王命有期程夙駕
興離歌送君萬里行把酒臨潞河潞水流不回思
君當如何

又

尊酒不可盡白日忽西馳與子非一身焉能無分
離愛深情忽割毅然與君辭邑宰非高官發軔良
在茲男兒建功勲須及壯盛時展子利濟才長沙
亦易治我留長安道君行湘水湄職業君自勉暇
當還相思

送李翰升宰南宮

一往憐情好臨岐念汝才吟詩時有和問疾數能
來老態難爲別離歌重欲催茲行雖不遠回首阻
追陪

又

此去南宮地人烟四境寬滹沱流不到恒嶽翠常
看俗喜民仍朴官憐政不難于君見風草輿謁刊
長安

丘季貞書來用余與李渭清唱和原韻成詩
見示賦此并寄渭清

丘君吾至友老興發雄才人自前秋別書從故國
來詩篇終日把懷抱向誰開更憶東山客徜徉戀
草萊

又

雨散京華客情牽幾地思夢途迷李白書信得丘
遲益解歸田樂方知躍馬危殘生幸無恙或有見
君時

春寒行

寒食後三日大雨雪

工部稿卷九

三

往年驚蟄天發雷百蟲出戶花爭開今年日過一
百六榆火烟新第二宿玄冥侵令山出雲雪花如
手橫紛紛寒偏羊裘冷于鐵天上有春非我春水
曹之署冷無郵負劍免入且安臥花信過時賞可
遲布穀失候憂方大我欲上天訴羲和迎賓暘谷
無乃訛東風不起北風起凍縮鶉首將如何噫嘻
凍縮鶉首將如何

李公凱蘇茂弘劉文起自崇效寺道場歸見
訪因留小飲

同向迦文會下來梅花樹下更傳盃笑他示疾維

摩詰竹杖隨巾取次陪

索居

景色三春好深房悶索居福寧希塞馬疾重感河
魚雜食連朝斷諸葷前月除生涯吾有問天意欲
何如

送馮敬南赴梧州郡丞任

聰慧能探太史編翩翩文雅自家傳府中從事多
僚友未信輸君祇少年

又

少年佐郡言風流黎嶺容江亦壯遊舉眼向曾離

工部稿卷九

三

日下休將萬里看梧州

又

梧州司馬果超羣三十成名海內聞參佐原參司
牧事令人再見小馮君

飛鳥曲

有序

山東黃君余同年友也同官工部旋由戶部
郎出爲鳳陽太守於其行也有離索之感聊
用古體比賦成詩以志情焉

鳥飛何練練生處各鄉縣共託主人園宛轉時相
見一園東亦有巢園西亦有巢兩巢去幾許好音

還相交解一鳥飛籠外一鳥閉籠中籠鳥望飛鳥

何時與爾同解三同飛若可望會須毛羽長當前見

去留誰能無慨傷解四慨傷亦奚爲努力在一枝何

用贈遺君臨風送相思解五

奉和李公凱同諸公集崇效寺懷余不至之

作

東風晴吹滿香林翠竹青莎一徑深踏賞空憐春

色好題詩偏感故人心雪公說法頻揮塵學士知

音喜聽琴李携琴師在座勝事當前期不顧斜陽啼鳥助

呻吟

再和呈公凱訂後會二部稿卷九

朝聞高會在祇林坐掩山齋感慨深一歲青春虛

過眼百年華髮獨傷心還期身健同呼酒可許人

來更抱琴偏憶支離留雅味含情時作短長吟

看花行用公凱碧山堂看桃花韻

長安三月春繁華老狂無賴貪看花海棠院慈仁寺內

中簇似錦含桃園裏天壇東蒸如霞東西競走索佳

賞匏尊蠻榼交參差追逐朋儔爭嘯傲十日不一

趨官衙放浪每爲流輩訕狂歌啞啞饒虛誇自言

細行不足檢黃金白玉留疵瑕醉卽藉草臥花下

歸途往往過昏鴉今春墜馬遭折損創傷未合怯
風沙深房坐閉虛花事客來時問龐公家留客呼
酒奚童賒今年花落寧可遮明年花開亦不遐留
取殘生老無恙暫時負賞休吝嗒

孫扶蒼秀才了寒上人同函各札致候隱然
有疇昔之感

忽有河南客持函問寓居乍開高士札兼得梵人
書室遠千山外情牽十載餘短長分字數並是一
懷余

又

工部稿卷九

三

洛下山川古前年偶寄栖論交方內外訪勝郭東
西一別人將老相思書並題正當養疴日讀罷益
妻迷

東王司農

久濶增懷想逢人問起居精神知已王趨走詎應
踈閉戶三春過殘生一跌餘創傷今漸復預擬刊
堦除

王中齋招同袁杜少陳義馭龍改庵飲寫園

林亭

高臥晨方出招尋託小山入門寬再拜力疾更追

披芳草何曾歇啼鶯亦自閒多君愛狂客相對放
愁顏

又

山光延晚色斜日盪微雲花雜香難辨林疎翠欲
分張燈憐地主把酒戀賢羣爲說籃輿穩歸途任
醉醺

吳郡贈中齋刑部二首

四十合香客遺榮忽閉關青山從所好白日有餘
閒春至看花發林昏見鳥還道書常自把行止載
懽顏

二部稿卷九

十四

又

高懷放丘壑塵事了無聞獨倚庭前樹閒看嶺上
雲寄情無俗物眞賞在奇文賀監風流遠千秋此
見君

將赴友人約先過勉曾宅看花座皆少年佳

客旋就讌所感而作歌

馮君宅子如村莊滿庭花樹爭春陽日日花前集
親友典衣得錢供酒漿我有經過紆相造杏花半
卸桃花好朱顏綠髻誰家郎金尊玉笋同傾倒半
曾相識半未識禮廢拜揖慚病老一床別坐對花

枝眼看行樂心中悲憶年十五二十日看花意氣
如今時今花昔花不異色思我青年那可得交懽
投分須類從老少詎合相形容西家設席遙相待
同行有友聊共載白頭列坐項領斜亦有美酒亦
有花狂談大笑吾已醉陶然那復知年華

春盡日雪公招同張樸園馮方寅袁杜少韓

子靖花間讌集

難後經過感倍深強從招約向祇林好花爭弄殘
春色白日空懸故國心良友再逢重對酒山僧乍
會且彈琴懽情未極悲情動啞啞歸飛見夕禽

春盡日集崇效邊李公凱不至

工部詩卷九

五

齋筵淪茗君思我載酒看花我憶君已惜芳春餘
此日翻憐勝友阻同羣樓邊奕局更相對竹裏琴
聲取次聞爲報高齋行過訪清和天氣好論文

叢碧山房詩三集卷十

工部稿

任丘龐璿雪崖著

立夏日作

孟夏今日至風起正南方芳草亦未歇啼鶯忽復
藏郊原多林木游子望故鄉林木日夜盛故鄉安
可望誰知游子心偏隨夏景長

長歌行

年少誰家郎奕奕府中歸馬如一疋龍衣作紫霞
飛高戟羅戶外女樂列前墀指顧出尊酒珍錯高
參差座客奉顏色咳唾無不宜多方隨所樂榮盛

工部稿卷十

極一時誰爲雍門子偏令孟嘗悲

送梁山公屯部觀察上荆

紅亭酒正香白馬繫垂楊新領龍頭節初辭畫省
郎景和饒亢直叔敬自飛揚地說荊州重才歸幕
府長勳輕諧楚俗衝要接蠻荒夏寇收餘孽秦川
罷挽糧官宜去豪奪民可念流亡聊喜無旁掣差
堪振大綱天絲晴嬈嬈河水浩茫茫冷節朱明轉
輕衣豸綉光問程江漢廣相對鬢毛蒼意氣關同
調班聯綴末行直應勤入府未易望腰章疾厄知
偏苦艱辛分獨嘗何時重會面分手卽殊方斜日

悠悠去離心安可量

何子桓過訊留詩依韻奉和

白髮支離歎自今無端災難更相侵情深感子殷
勤顧詩好增予宛轉吟貧暑留懽惟市酒空階向
夕有鳴禽阿戎館舍還鄰近風雨頻過慰藉深

立夏後三日桃花盛開招張子大鍾立圃何

公權過寓小飲用公權韻

茅舍牆低半欲頽天桃樹小亦從栽繁紅不逐殘
春老細蕊能留早夏開盡室憂貧仍好客經旬稱
病且銜盃巷南巷北無多遠幽賞應須盡茲回

又

工部稿卷十

平林綠暗惜年光剩有繁花殿衆芳近眼春
尚在當歌無郵老能狂十千美酒賒殘醉三百枯
碁對客幾度招邀留雅味風流原自屬何郎

奉和陸學士同蘇舍人過寓看碧桃花飲中

聽余論詩原韻

高會曾陪學士家相期茅舍共看花同行更許携
佳醞幽賞難禁戀歲華醉發狂言多謬誤心知良
友恕疵瑕舒長莫信清和景餘興猶深過晚鴉

徐華隱首倡過寓看花之約及期不赴陸美

山蘇茂弘馮方寅前後同至痛飲入夜戲成
惱華隱

茅堂及早士龍來花下楸枰相對開工部留權自
粗糲舍人趨賞挈尊罍阿誰倡約虛高駕有客乘
昏索巨盃談笑日闌仍秉燭城頭更鼓莫頻催

送雲岫上人還楚中

不作長安客言歸守故叢一帆長夏日五兩渡江
風拄杖依然在人情到處同鄉山有新句隨便寄
龐公

述閒詩

有序

工部稿卷十一

三

中書開官也陳義馭作述忙詩水曹勞吏也
余亦作述閒詩

身從水曹後不信水曹忙有出惟趨府纔歸卽偃
床長趺依佛法隨意錄醫方忽遇登臨約追隨喜
欲狂

又

退食了無事應門祇閉關吟詩聊過日把酒自開
顏熟客休通問高僧共往還興來歌一曲散髮夕
陽間

同人集寓中看花袁杜少以赴偉上人劇筵

不至歸貽長句次韻答之

千林綠滿夏何新東風一掃過九旬桃小樹強
弄色花嬌蕊細留青春繁紅照眼疑春住同人沽
酒依花樹知君禪悅別有情掉頭獨向東林去東
林子弟各當家忽如天女來散花共倚蒼松聽妙
曲那看紅樹斟流霞士龍飲酣飛壯思陸義揮毫
首倡催題詩許公縱橫稱大手蘇茂敬通挾藻亦
不遲馬方茅堂濟濟爭風雅盡樂極懽懽醉花下寧

知炊黍姓龐人猶憶千言袁倚馬袁讀白奪山人詩說當
同袁杜少飲公凱齋中讀白奪山人詩說當

時軼事

工部稿卷十

四

李郎方今風雅之所託數朝不見情弗樂西鄰袁
子素心人相招同來坐茵閣何用消夏排枯棋葡
萄美酒金屈卮少兒幼孫出見客魚魚雅雅多令
儀夕陽倒景冷風善信手案頭抽書卷一編驚見
白奪詩雷霆霹靂供驅遣狂生之言在哉癡高官
厚祿受者誰肉食紛紛歸新主濠梁布衣奚哭爲
一朝亡命櫻綱罟弋人對之不忍取野死長拚委
江湖餘生寧料還鄉上獨不見武王不怒首陽生

聖朝豈殺閔古古

題劉天馭秋山抱琴圖兼呈老友文起

桂樹離離挂秋色少年何人小山側科頭趺坐對
孤琴鬚眉瀟灑仍溫克我友劉君風裕美披圖何
乃逼相似淮南李生爲余言公凱也果是他家親父
子我性畏過時人門劉君古處情所敦相期再過
草堂去喚出少年共我語

送韓子靖兵部歸省

鞍馬乘長夏嚴裝出帝京暫寬趨府假遙慰倚
閨情蒲坂川原古橫汾波浪生美君歸計好養
意難平

又

工部稿卷十

五

銜盃不成醉懷抱有悲懽君念瞻依切吾增離別
難前程行漸遠後會日猶寬歸臥茅齋內誰同話
夜闌

再贈子靖

門閭依舊在乍到喜如新茂樹巢鳥遍叢篁解籜
勻及肩高雅子垂白健慈親膝下稱觴滿知君樂
是真

答子虎臣

甘載京華客栖栖笑此身艱難增老大潦倒向時

人自顧殊堪鄙，何聞轉見親。
壺觴從簡畧，知子恕余真。

送李莘赴陵水縣任

慷慨燕南士，風塵半老身。
一官仍小縣，萬里別同人。
月令中途變，山川入境新。
何時承內召，携手更相親。

又

行色青天遠，孤城瘴海濱。
帆檣通絕域，花木續長春。
種別人呀馬，山深樹有神。
潮州鄰壤近，香火退之新。

工部稿卷十

六

同雪塢雪潭兩上人豐臺看花

晴色憐初日，看花出外城。
余仍念前約，僧自解閒行。
雜樹交新綠，幽禽送好聲。
平生耽野趣，心迹一時清。

又

好景遙相引，閒行足放顏。
溪流隨曲折，岡勢共回環。
戲藻魚苗亂，穿林雉子斑。
豐臺知漸近，宿客把花還。

又

徐行沿草徑，隨意過山家。
野老從爭席，吾曹且看

花高飛憐燕雀小食供茶瓜蕭散除巾帶幽情一
倍賒

又

覆井槐陰合連畦芍藥開人依深處坐香逐四邊
來勝友同清靜狂談免忌猜城中無此樂童子莫
相催

又

騎馬籬邊出依依晚色幽地移風景異人去賞心
留白髮行將老青山始欲愁何時免羈束隨處託
優游

工部稿卷十

七

田綸霞司寇招同袁杜少蘇茂弘龍改庵飲
兼訂崇效寺之約

秋卿堂前紅藥開秋卿召客雨亦來微風泠泠透
竹箔雨香花氣添金杯此時不醉胡爲哉主人官
大能好事酒酣忽憶棗林寺老槐十丈新綠濃欲
就生公談了義

放歌行贈劉文起

劉生雅士恭且溫胸饒奇趣道亦存性非嗜飲好
釀酒官是行人長閉門我來一尊必傾倒謂我調
同與我好飲亦不醉爽無爭狂談大笑開懷抱人

生適意隨所宜高官大位須何時支離自放不覺
醜捷徑可向誰從知我住京華年獨久事變翻覆
無不有操刀屢見趨先割遭傷徃徃皆能手君不
見桃花李花三月前各將顏色爭春妍春風吹開
亦吹落祇有松柏長天年

有感贈友

雷陳去後無朋友慷慨於君見獨行身犯波濤存
直道人從生死見交情回天已荷當前力通國應
傳此日名我亦當年任叻客貧看諸子愧縱橫

過趙君留贈

工部稿卷十

八

乘曉過門門已開中厨待客盛尊罍人看一面新
知好情比十年故友來願我踈狂那足取承君古
道謬相推爲言內沼荷花放重向高齋醉幾回
同信公舍弟何子桓公權父子飲立園寓中
半畝城南宅幽偏愛此時竹生當路笋柳吐入簷
枝吾自携家弟君仍帶好兒主人有佳興呼酒共
論詩

又

迂踈常懶出有出卽君家別院過啼鳥沿階放野
花人閒重對奕酒渴屢呼茶不覺斜陽下投巢噪

晚鴉

同陸義山徐勝力袁村少玉瑁湖李公凱集
崇效寺看新綠鍾聖輿自山左至相留共飲
乘涼有約憶前期爲愛雙槐就遠師細草如鋪分
綠蔭幽禽相狎度高枝濁清各出一尊酒黑白平
行兩路棋更喜故人來輦下風流好與共論詩

又

堆綠如山自出奇蜀葵花發更千枝同人露坐蓮
高榻老衲開厨供午炊不斷高談添遠客翻乘殘
醉和新詩拳拳月上明東嶺走馬天街未厭遲

工部稿卷十

九

有約同陸義山游日耕園不果遂由呂仙祠
至崇效寺飲酒奕棋抵暮而歸和義山韻

騎馬重憐返右安同人有興喜游船梁王苑裏成
虛約仙客祠中好暫觀情熟還應尋雪塢朝閒那
可負棋盤呼尊尚覺吾廬近一盞纔傾意已懽

王瑁湖招同徐勝力李公凱袁杜少陸義山

游 裕親王園

出郭懷前約梁園伴客過興狂隨步屨路熟繞陂
池浴鴨溪邊聚鳴禽柳際多自來饒野性對此奈

余何

詞律又

驅是去親王闢人隨內史來回廊增窈窕飛閣倚
崔嵬穿壁新篁過編籬紫槿開題詩紀佳賞偏少

士衡才

義山以
事阻

其詞意亦甚感會

詞律又

池館經行處風光異昔年當壚添酒社賃棹有湖
舡樓迥全無暑林深不見天坐來驚物候嚶嚶起

新蟬又

詞律又

西北黑雲起翻盆雨勢橫游魚沉不見沙鳥自相

工部稿卷十

十

驚瀑水侵筵濕涼颺着體生傾壺盡餘興耳目喜

尤清

詞律又

日暮行將返林巒雨後新餘飛猶滴樹一滑正愁
人風景誰常住經過跡易陳出門小延佇渺渺暗

傷神

詞律又
同人携尊花隱亭就別馮勉曾

花間行樂地此會覺淒然豈復無尊酒難堪是別
筵愁先離唱起心共夕陽懸謾說歸期邇悠悠更

隔年

將離未成別携酒爲君過人覺同心少愁增白髮
多關情念薪木慰意強懽歌信有相思苦君休戀
葍蘿

義山未與目耕園之遊賦詩見示用和原韻
出城有約伴閒游王子園林清且幽幾處亭臺
通曲徑千畦秔稻接平疇傳盃偏少一人醉猛雨
忽成五月秋岸柳溪花供勝賞放懷誰起異鄉愁
與詩爲蘇茂弘題畫冊

我有住山心未審何山好蘇生示此圖幽絕愜懷

工部稿卷十

十一

抱雜樹帶茅軒芳洲多香草靈境不易遘五嶽窮
搜討應圖獲其真勿爲俗人道庶幾吾與汝同居
成立老

平陽歎
吉凶茫茫那趨避驚人聞說平陽事朝爲城市暮
丘墟慘禍無端起平地后土職載資常寧何以感
之增不平怒激鈞軸甘一洩雷霆霹靂交相爭官
宇崩摧民舍圯男婦老幼同時死伏屍沈壓無人
收穢氣腥聞數十里百年郡國幾殘破獨有此方
未摧挫無乃氣數有乘除災以發遲積轉大幾處

流亡艱糗獨有此方庶且富無乃鬼神忌滿盈
可憐糜爛及家畜噫嘻吁皇天降鑒曾有無死者
豈盡皆凶徒混溷善淫等不辨濫殺何忍寬無辜
死者慘絕生者苦 詔發金錢出外府天地舛錯
失常行補救獨將勞 聖主

送張子玉山赴濟南

正喜新知好還聞歷下行題詩趨作別携手若爲
情暑酷憐長路官貧愧友生少年才具美應合有
逢迎

仲夏日王阮亭先生招同袁杜少龍改庵雅

工部稿卷十

十三

集用鏡湖五月涼爲韻

釀酒滿玉缸酒熟澄如鏡避暑宜傳觴延客掃花
徑伯高揚妙曲袁生擅雅味笑余蠹疇人何當同
謬敬

又

王公性澹蕩所好與時殊閉門謝熱客得酒召吾
徒高言談釋老兼之及江湖一從席上酌奇聞增
所無

又

一往滯京華再來儒益腐滿眼班聯人識一不識

五英發各當時醜抽焉足數唯有王司徒無酒爲
我酌

去年飲君家白露溥秋月今年飲君家鳴蜩沸林
樾時序不假人吾生免華髮斟酌用爲樂長歌正
激發

又
庭陰起清吹移席就晚涼客醉亦不去主懽自浮
觴狂言涉微謔一笑時開堂同心紀嘉會聊用託
詩章

上右司空李木庵先生

上理資經術詩書起化淳 君王重文治簡在必
儒臣近補冬官闕還推學士身才名一往大意氣
向來真賢友兼南北佳期迭主賓題詩開畫卷載
酒趨花晨陶鑄依前輩追陪辱後塵鄴侯骨自貴
賈誼命終屯兩入中書舍三過水部春直添潘岳
髩無改范丹貧裘馬慚時彥風塵愧故人蟬聲吟
乍合槐穗吐初勻地分傷睽隔年華閱苦辛那期
考工地再接典型新老馬鳴相向勞薪氣復振趨
承忻有近教誨喜能頻仙李連枝茂龍門仰望均

一堂期共濟三妙分相親正色臨華省傾心奉
紫宸經綸知夙具霖雨慰斯民

述懷

身在不厭病朝窘不厭貧我本愚賤士文章得進
身屢仕皆京職未識遠道塵月分五斗米取用養
雙親兄弟既無故妻子絕喧嗔蔬菜聊足飽何
必魚肉珍布帛聊足煖何必綾錦新郎曹聊足貴
何必權要津酒爲朋友貴詩道性情真已感
朝廷德兼頌天地仁誰能長鬱鬱積損損精神

奉和阮亭司農借諸子游崇效寺看棗花二

首

工部稿卷十

十四

探幽入棗林林深花氣滿花氣能娛人好客多情
效口吟白雪曲手弄青鏤管題扇贈山僧風流誰
能摹

又

權燕易爲夕餘景灼青林望古懷支謝卽事還自
今古今俯仰間一往焉能尋從游多英彥有酒聊
同斟誦詩感作達三歎起予心

賦得五月賣松風人間恐無價

聳聳鳴蝸毒熱新松枝微颺午風勻此間好是清

涼境遮莫鋪金肯售人

又

閒傍蒼松支短牀南風瀟灑透衣裳熱中第一清涼散休把千金比禁方

又

豈有炎癘到閩壺松風涼吹沁肌膚上真自署仙官籙曾許輸金納得無

又

南薰灼灼自天中五粒陰多障遠空莫怪山僧開橫口快哉不數大王風

大雨不得往

工部稿卷十

十五

陰雲壓簷黑飛雨亂縱橫望去無餘見聞來但一聲注堦連砌沒灌室與床平空有同人約焉能踏屐行

六月初九日大雨口號

何年無暑雨今雨太驚人氣似錢塘怒聲傳灑瀕真苾𦵏浮出戶壁挂倒過鄰上漏無乾處漂搖歎此身

過李公凱寓出所爲詩快讀賦贈

他家門戶誰輕入一入君家更不回命酒慚余非

飲客論詩于子見天才解人自昔原難得笑口當
前好共開競託風騷取佳句苦心刻畫祇堪哀
即日孫樹峯亦至同飲有作

偶來訪友重逢友雨餘同憐皆薛青人自忘形那
賓主酒不泥飲任醉醒長句原推李太白能書合
數孫過庭我有裝成冰雪卷相從二君乞典型

連雨李公凱東訊依韻奉答

重陰失朝暮獨坐奈愁何莫補蒼天漏生憎白雨
多草廬疑泛宅委巷轉洪河問訊憐吾友奚僮晚
更過

工部稿卷十

十六

又

上漏下仍濕漂搖患苦多故人重念及有贈感如
何引紙開愁眼連章擬和歌幾時晴日出帚屐互
經過

苦雨懷何子桓

雷雨中宵急晨歸怒轉餘溜堦疑倒井盡室恐爲
魚沈灶妨朝爨排窻駢卷書何郎單外容愁悶又
焉如

司空奉旨粵東勘事

官分職守謾相爭
天帝簡惟良折獄行萬里山川

隨使節十旬風雨併歸程嶺南景物何心賞陸賈
行裝依舊輕入奏天顏應有喜平反立見是非
平

述感呈常少司空

御史宅裏識面口水曹署中視草時古道于今將
誰問風埃當代真我師不棄許丞憐小節偏容司
馬太支離用謝奕事虛薄何能有報荅寸心耿耿長自
期

劉文起惠花樹

紫薇灼灼喜新栽昨日看花共把盃誰似劉君真
好我一株分送草堂來

工部稿卷十

十七

游目耕園和華隱

風塵長與素心違極目西山入翠微老去悲歌渾
自放忙中游眺未全稀籬邊把酒憐徐邈橋上題
詩憶陸機爲說梁王不禁客興來重擬欵朱扉

鼓碧山房詩三集卷十一

工部稿

任丘龐

境雪崖著

立秋日書懷

年光如水暗相驚，獨坐幽齋見曉晴。
炎景尚留餘暑在，涼蟬忽叫早秋生。
庭幃眷戀情空迫，歸計荒唐晚未成。
稍喜西風新穀熟，家炊聊得緩經營。

木庵司空別墅，叠石爲山，濬地爲池，有天然

之致，詩以紀之。

九仞功成後，蒼然擁碧岑。
退朝門自掩，在野興俱深。
魚樂依新沼，禽閑託茂林。
會心寧在遠，倚檻發

工部稿卷十一

長吟

又

結構存真賞，青山引興奇。
崩雲生複岫，潦水聚平池。
朝暮看無厭，陰晴趣各宜。
風流懷謝傅，千載共襟期。

又

一山平地起奇秀，似飛來芳草何曾歇。
秋花相映開彈琴，增逸韻對酒引深杯。
故客憐余在

酉申同社諸君

惟余與公在都過從許共陪

陸義山得請將歸，欲過雪塢丈室，作竟日談。

爲約徐李袁諸公同至

共約清齋就遠公松杉滿院動西風地爲熟過情
偏戀客以將離感未窮棋局好須終日對酒盃更
得幾回同故人別後天南北應有相思在此中

又

西風乍起動絺衣淪茗禪關事已非白髮驚人
共老清秋忍說送將歸追陪故作終朝聚笑語先
愁他日違最是此情空不得山僧相對亦依依

過常司空別墅並贈重譽會遠兩兄弟

城西草曲宅景色自幽奇池問何時鑿山疑有處

工部補卷十一

二

移禽間啼不住客喜坐來遲隨意開尊酒交懽託
在茲

又

自是司空第翻疑隱者居嵐光深戶牖竹影散圖
書白日晴初放秋花紅未踈多君兄弟好意氣足
相於

義山數枉顧失接待有賦

郎曹日日窮趨走門外高車枉故人自惜將離重
索會可堪數過不相親清秋風雨情何限永夜悲
歌感是真咫尺逢迎仍錯迕况言別後阻江津

過李司空別業留題

祇謁通名入應門更不難竟忘今日分直作故人
看餘暑消松茗長談倚藥欄背堂啓書舍竹石鈔

能安

安言安放也杜詩
竹石如山不敢安

又

磴道紆回轉高樓足遠觀圖書疑世外笑語自雲
端山色迎秋碧泉聲帶雨寒論文久踈澗重此奉
餘懽

蘇茂弘相招崇效寺陪田綸霞侍郎

招約隣吾友趨陪喜侍郎選開宜道院高會託文

工部稱卷十一

三

場秋覺松風健晴看草露光入門懷抱放踈野趣
原長

又

朝天曳屐下入寺續前期逸興披荒逕徐行領少
兒浮瓜消剩暑對局賭新詩何必東山墅風流各
一時

又

蒲椅周圍布雲堂敞靜觀

靜觀堂名王
覺斯所題

情真少拘

忘禮簡不衣冠中舍肴飡美東林酒戒寬懸題看

臺鈔應合數文安

又

別院通幽徑蓬蒿媚晚烟
纍纍瓜欲熟纂纂棗初
懸高塔留孤砌荒臺剩
一邊誰能感興廢吾樂取
當前

又

晚興重移席西風露坐清
未應林葉下忽有草蟲
鳴白髮寧辭老蒼天故
不惜酒酣聊作達調笑
恕狂生

又

殘照松杉斂傳呼車馬喧
客歸分委巷僧入閉關

工部稿卷十一

四

門大雅君堪託高名衆所尊
還將問詩法卜日過

前軒

送雪潭法師赴南海

年少嚴持戒談經上法筵
虔心皈大士結伴趣秋
旌海穩魚龍夜霜清鴻雁
天音聞會精理好爲此
方傳

送陸學士歸休

昔君在郎署悠悠三十春
嘉遇起一朝立登要路
津前程詎有極主恩方自
新何當急流中忽爲
勇退人白露塗廣野促織
鳴清晨長行在此時携

手出城闌明知不可留感茲心所親

詩又

往昔亦有別祇覺吟別悲昔別有還日今別無
時昔者年猶盛齒髮行已衰人命若朝霜修短誰
爲期越水距燕山各在天一涯我思君不見君思
我豈知何以無未懷幸有酒盈卮卮酒亦不盡行
道空遲遲

又

有行念君遠長歎增余喟好爵豈不榮高名時所
忌賜車懸東廂初服反薜荔朝尋道者游暮與

工部稿卷十一

五

鄰人醉越中山水佳逍遙足肆志惟有平生懽時
時隱相思

袁烈女詩

杜少太史從女孫太史爲之徵詩因爲賦

柱樹不生棘嘉禾不作莠袁公節義門女子亦知
守有身雖字人遲歸未成婦男死奔其喪衰麻甘
蓬首服除生亦捐同穴迄無負處士耻二姓長往
亦間有事出巾幗開大節尤堪取渠家太史公敘
記推老手內舉寧避親乞言託不朽三歎感遺烈
作詩報良友

過若公故居有感

禪房依舊在竹箔挂當門空禮眞僧像誰酬居士
言悲懷相向盡神理悵何存猶設香花供沙門見
子孫

送王念詒定省歸浙中

常時一尊酒言笑參差今日一尊酒中心愴欲
悲尊酒豈不同所感在別離長年多苦懷况值落
木時草蟲鳴嚶嚶四野涼風吹是我同心人舍我
欲焉之臨岐強執手宛轉前致詞高堂情所戀有
行誰能遲

又

二部稿卷一

六

行路宜清秋游子趨庭幃尊酒未三巡別客換行
衣君如雲中雁時至起高飛我如檻中猿焉能及
爾歸已感明發心重惜故人遠思鄉兼念故一往
憎予非輕帆逐下水南向徒依依望君條不見惆
悵返荆扉

招陸義山徐勝力李公凱袁杜少蘇茂弘劉
文起賈青南盛鶴田小集鶴田有贈賦荅

行雲初斂見晴霞好友相期過我家氣爽茅堂堪
命酒泥衝委巷各停車奕圍對展窻前局秋色新
開雨後花貽贈偏憐武林客直須說項遍京華

送陸學士出都兼寄張毅文周蓉湖汪東川
涼風颯颯動輕蘋一上河橋一愴神折柳生憎南
去客揚帆不見北來人暮雲望斷吳江樹秋水愁
牽越絕濱沿路憑君語諸子時清未合戀鄉蓀

禹三過訪以他客在坐不入

草堂有客苦淹留辜負君來巷北頭門外堂前成

間濶誰言千里是光州

禹三新從
光州來

讀少陵集偶成

風騷原大道作者託于春世共矜新唱吾猶愛古
人情辭須自達刻畫易滴真問法少陵在遺編正

可親

工部稿卷十一

七

荅王松壑留別之作

大雅如君少風塵事孔多勞人倦趁走良覲悔蹉
跎秋色懷前路離憂起贈歌相思寧異日先意感
烟蘿

張毅文入都旋別去

有來曾不住一棹逐江濤未解相思苦重驚惜別
心蒹葭秋欲半髣髴老將侵把酒誰能醉寒蟲四

壁吟

秋雨歎

夏雨雨多怒秋雨雨多愁怒盛猶易解愁結何時
休上視不見天下視如泉流艱哉北門子輾轉屋
西頭宿春非我有故衣歸人收萬卷斯在眼一飽
焉能謀奮欲出門去及門旋復畱仁祖今豈存司
業風已偷裹飯非可望蒙袂欲何投室人有交謫
聒耳徒啾啾吾饑未七日母爲昔賢羞

劉吏部筵上作

積雨連朝盛晴光向夕開垂紳佳客並度曲伎人
來紅蠟明高燭香醪引巨杯劉生慷慨甚重覩漢
庭才

工部稿卷十一

八

又

換羽重調管留權更挽衣君情寧有盡吾醉合先
歸月色近佳節螢光逗夕暉還妨前路滑緩駕返

荆扉

送程禹門舍人假歸省覲用襄州唱和韻

又挂輕帆向水濱緇衣空染帝京塵一身何事
頻南北兩地關心是子臣後會有期那可定清秋
作別歎方新年年塞上多歸雁莫惜附書與故人
八月十四日江繕部約游南廠大士庵以雨

失期

往來爭獻節三五重秋期問遣貧全廢招邀遠不
辭綿綿遭苦雨滑滑阻深泥曲折禪關路休嫌到
獨遲

又

雲黑失朝暮瀟瀟雨更催心貪初地好人識舊官
來余曾監督麻車單駕遲將及群公興盡回可憐遭泥飲
雅意負追陪

中秋前一日蘇茂弘招同李公凱袁杜少閻
公度劉文起雅集值雨

中秋明夕是逐賞集吾曹陰雨朝難歇狂歌興轉

工部稿卷十一

九

豪盜行同引滿奕展各爭高何必今宵月尊前照
二毛

又

序逼良宵近雲深得月難應嫌光未滿不許客先
看草閣聊圍坐佳肴好共食直須費高燭隨分到
更闌

又

節物饒經眼壺觴晚興新秋雲終不散天雨故留
人好友寧同里交情共一真尋常思聚首况復值
佳辰

中秋喜晴

向夕陰雲斂，浮空月色幽。
人同賞佳節，天與作中秋。
眼眩金波動，身疑銀漢游。
增予興不淺，嘯味一登樓。

又

已得天休雨，重憐月有華。
清輝連九闕，高唱起千家。
露下蟲吟好，更深樹影斜。
壺中饒美酒，獨酌興無涯。

十六夜招浦副工盛鶴田曹渭符寓中小集

用少陵秋月仍圓夜爲韻

工部稿卷十一

十

八月甫旣望，孰云非中秋。
團團蟾兔光，依然在當頭。
晏賞已昨朝，餘興未暇收。
撫景及茲時，嘯味呼同儔。

又

良友入我門，携手興勃勃。
更將前夕心，還向今夕月。
圓魄正中天，萬里光未歇。
何以貫清懽，尊酒爲君發。

又

今夕此何夕，二八紀初興。
好客促一席，有酒瀉如澠。
露坐情自放，高唱重相仍。
不分賞佳節，獨以三

五稱買酒六觀谷左題

又壽夫人自景臨餘年未合前世苦前生

白髮誰獨長秋月此尚圓今我不爲樂來歲是何
年牛渚徒一泛庾樓失重筵古人倘有知將母悔
生前

又

明月生有常盈虛相代謝昨夜猶今宵來宵非今
夜古游思秉燭况乃光堪借厭厭取醉歸君子無
速駕

十七夜月下有感

工部稿卷十一

十一

四序各有月月盛必秋時古今稱佳節晏賞恒于
斯三五蟾兔滿二八蟾兔肥今夕甫隔夕光景來
何遲仰首視中天厥魄已微虧萬戶聲寂然草蟲
叫前墀盈虛固其常人情恒因之誰能求繁華當
盈宜重持

和王珣湖秋日旅懷

秋老東籬菊欲花看花何事感年華饒憐紅紫商
量放莫惜壺觴次第餘唱和依然留故友趨牕暫
緩上官衙丈人自是經綸手未合清時苦憶家

買菊次勵令式韻

幽賞心同愛菊開君家我舍一時花過君我擬披
衣往訪我君須騎馬來囊澁尚能賒濁酒情親那
惜破蒼苔只愁高興難消得出入巖關畫角催

對菊再次令式韻

彫盡群芳見菊開居停暫假亦須裁臨風乍覺寒
香遠滿眼初看秋色來白喜過門無俗客有時高
咏坐荒苔賞心轉愛重陽近一任蕭蕭髮催

風塵九日同張樸園徐勝力李公凱三學士賈青
南員外蘇茂弘舒岷懷舍人劉文起大行舍
弟信公秀才各携酒肴集黑窑廠

工部稿卷十一

十一

草樹三秋晚蒼黃變色新同人聊得九卽日未成
旬訪勝過禪院登高強病身居然林壑趣何處有
風塵

又

已覽雙林勝還過一水傍髮疑今日短菊似去年
黃負性耽疎放群公勉醒狂長歌非孺子興發爲
滄浪

又

促席依高岸溪流向客清傳食同會食進酒各稱
名誰獨非朋友吾仍有弟兄興來思共泛只少一

舟橫
又惠
賞心隨節序放浪自當年不改儒生性皆逢官長
賢黃蟲伏亂草鴻雁度高天斜日聞歌笑何曾簿
領牽
涼風夕吹急遠嶺暮烟凝利酒沾輿隸攤錢施衲
僧山川長不改日月遞相乘明歲各強健重期此
共登

九日書懷

工部稿卷十一

十三

采擷黃花賸飛騰戲馬場衰憐行樂晚貧豈勝遊
妨招約爭先出提携各有將無供余白晒亦得醉
壺觴

亦謂遊不遠其如未得歸一貧從祿仕幾歲別親
闈秋熟思收秫天寒想授衣今辰宜獻壽遙望寸
心違
野曠心應遠良朝歎轉新年仍故物歲歲異同

人前歲與李渭清馬
柳葉黃過半蘆花白欲勻所

恩悲宛在渺渺隔州津

趨走風塵內京華歲月深有遷終下吏無枉是初心節徃身將老天寒病易侵茱萸宜插髻種種不勝簪

聞善呈馬大司農十二韻

今代論臣濟如公信獨推智深謀自斷道廣用兼該魚水千秋合風雷一氣回共欽公輔器暫借度支才九賦遵成式群僚仰妙裁上朝仍曳履對客更銜杯宅有山林致門無市井厓奇峰當戶出黃菊向人開嶽嶽懷邦直休休納衆材三天忻並戴一刺展初來檇散時何補支離心尚孩典型從此近努力効趨陪

工部稿卷十一

十四

江補齋通政新栽竹生笋和韻答左湘南

聞君新種竹生意發深根不獨添枝葉兼之長子孫繁聲亂疎雨翠色動清尊我有王猷癖相看欲過門

和同官金洪濤咏黑白鷄韻

形隨黑白分顏色氣託玄黃應化生飲食同蒙主人德五更各爲報天明

又

成形有色雖分體具德無偏自共生夜半可憐風
露冷扶桑喚出爲誰明

又

羽毛三百同依鳳高唱朝朝候日生何必輪贏綴
金距自然黑白見分明

賦得老樹空庭得

貧窶易爲居隨寓託放宕晚賃京華宅屋屋如羅
盎直庭

十步垣繚徒匡當老樹挺其中塞門小
屏障喜爾爲我有蒼然覺神王栽植何年月交離

二部稿卷十一

十五

莫名狀曲枝不中鉤長枝不中杖造物無檢束頽
然以自放亦蒙日月照時與風雨抗桐椅尚不希
楸棘焉足况余亦擁腫人奇服秉微尚蹇滯從一
官有如牽陸舫乞米那得餘用物一無長晏坐託
心齋嗒然忘得喪爾豈知爾形我自無我相以此
痴僂身相配成交讓與至發長吟風氣日逾上有
客來叩門謂是陶元亮就我麗叅軍森森足共張
隔牆過濁酒懽然雜諠浪少陵秦州寓老樹故相
傍不知今有無遠道莫及訪樹古詩尚傳將無同
此樣余本麋鹿性林木情所向寄舍比少陵吾志

亦足償借徑遠山樵求材謝良匠
禱散庶自存斧斤末相忘
運會理之常榮落奚怙悵
孟冬十月交冰霜疑在望
努力保歲寒及爾各無恙

題盤山圖并寄拙菴上人

我夢盤山已十年披圖如在萬山巔
何時拄杖尋師去再証龐家居士禪

又

盤山岩壑寫同真馬老今來住後身
他日相逢定相識笑余還作牧牛人

用馬大師懶安道老者事

叢碧山房詩卷之十六終



